

პროლეტარმა ყველა ქვეყნისა, შეერთდით!

საქართველოს სოც.



საბჭ. რესპუბლიკის

მუშათა და გლეხთა მთავრობის

კანონთა და განკარგულებათა კრებული

იუსტიციის სასახლსო კომისარიატის გამოცემა

1929 წ. აპრილის 28

№ 16

ნაწილი პირველი

შ ი ნ ა ა რ ს ი:

ცენტრალური აღმასრულებელი კომიტეტის და სახალხო კომისართა საბჭოს დადგენილებანი.

- 163. შრომის კანონდებულებათა დარღვევისათვის ადმინისტრაციული გადასახდელის დადების წესის თაობაზე გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1926 წ. აპრილის 5-ის თარიღისა და 28 №-ის დადგენილების გაუქმების შესახებ.
- 164. პროფესიონალური და კოოპერატიული ორგანიზაციებისათვის გადასაცემი ზოგიერთი ბეთალმანი და უპატრონო ქონების სახის განსაზღვრის შესახებ.
- 165. საქართველოს სსრ საარბიტრაჟო კომისიების დებულებისათვის მე-4¹ მუხლის დამატების შესახებ.
- 166. სისხლის სამართლის კოდექსის 85 მუხლის მე 2 ნაწილის შეცვლის შესახებ.
- 167. სათემო აღმასრულებელ კომიტეტების მიერ ტყის გაჩენისა და განზრახ წანახდის საქმეთა ადმინისტრაციული წესით განიღვის შესახებ.
- 168. საქართველოს სოც. საბჭ. რესპუბლიკის ახალი ადმინისტრაციულ-ტერიტორიული დაყოფის შესახებ.
- 169. სანაპირო ადგილების აღმასრულებელი კომიტეტებისათვის კონტრაბანდისტების ადმინისტრაციული წესით განდევნის უფლების მინიჭების თაობაზე გამოცემული დადგენილების გაუქმების შესახებ.
- 170. „სამხედრო სამსახურის ინვალიდთა და მათი ოჯახებისა, გარდაცვალებულ ან უზრუნველად დაკარგულ სამხედრო მსახურთა ოჯახებისა, მუშათა და გლეხთა წითელ არმიაში გაწვეულ პირთა ოჯახებისა და აგრეთვე კონტრ-რევოლუციისთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის შესახებ“ გამოცემული დებულების შეცვლისა და დამატების შესახებ.



171. სამოქალაქო სამართლის კოდექსის 71 მუხლის — შენიშვნებითურთ — შეცვლისა და სამოქალაქო სამართლის კოდექსისათვის 154 მუხლის შენიშვნისა და 156¹ და 156² მუხლების დამატების შესახებ.

172. სათამაშო დებულების მე-2, 3 და 17 მუხლების შეცვლის შესახებ.

173. „კოოპერატიული ორგანიზაციების მოქმედებაში ხელისუფლების ორგანოების უკანონო ჩარევით მიყენებული ზარალისათვის პასუხისმგებლობის თაობაზე“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წ. აგვისტოს 1-ს დადგენილებისათვის მე-5 მუხლის დამატების შესახებ.

174. სარეწაო კოოპერაციის დებულების მე-9 მუხლისათვის მე-2 შენიშვნის დამატების შესახებ.

175. ადგილობრივ ბიუჯეტებზე შემოსავალ-გასავლის განაწილებისა და 1929-30 წლის ადგილობრივი ბიუჯეტის შედგენისა და დამტკიცების წესის შესახებ.

176. საბინაო მეურნეობისათვის საჭირო ღონისძიებათა შესახებ.

177. სისხლის სამართლის კოდექსის მე-15 მუხ. რედაქციის შეცვლის შესახებ.

178. სისხლის სამართლის კოდექსის 79 და 101 მუხლების შეცვლისა, ამა კოდექსისათვის 58¹, 6 103¹ 103² და 103³ მუხლების დამატებისა და ამავე კოდექსიდან 201 მუხლის ამოშლის შესახებ.

179. სსრკ-ის საბაჟო კოდექსის სამოქმედოდ შემოღების გამო საქართველოს სსრ სისხლის სამართლის კოდექსში სათანადო ცვლილებების შეტანის შესახებ.

ცენტრალური აღმასრულებელი კომიტეტის დადგენილება № 1.

180. მუსლიმანთა „მაჰრამის“ თვის დღებში რელიგიური ხასიათის მსვლელობისა, დემონსტრაციისა და სარწმუნოებრივი წესების საჯაროდ აღსრულების აკრძალვის შესახებ.

სახალხო კომისართა საბჭოს დადგენილება № 1.

181. სახელმწიფო პირდაპირი გადასახადების ნარჩენის სალიკვიდაციო კომისიების მოწოდების შესახებ.

182. 1929 წელს პურეულის დამზადებისათვის რწმუნებულთა დანიშვნის შესახებ.

სენატრალური აღმასრულებელი კომისიების და სახალხო კომისართა საბჭოს დადგენილება № 1.

163. დ ა დ გ ე ნ ი ლ ე ბ ა ც. ა. ა. და ს. ა. ს.

შრომის კანონდებულებათა დარღვევისათვის ადმინისტრაციული გადასახდელის დადების წესის თაობაზე გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1925 წ. აპრილის 5-ის თარიღისა და 28 №-ის დადგენილების გაუქმების შესახებ.

„შრომის კანონმდებლობის დარღვევისაგან ბრძოლის ღონისძიებათა შესახებ“ გამოცემულ სსრკ-ის ცენტრალური აღმასრულებელი კომიტეტისა და სა-

ხალხო კომისართა საბჭოს 1929 წ. იანვრის 2-ს დადგენილების მე-9 მუხლის (სსრკ კან. კრ. 1929 წ. მე-4 №-რი, მუხ. 31) თანახმად და თანახმად ა/კსფსრ სახალხო კომისართა საბჭოს 1929 წ. აპრილის 18-ს თარიღისა და 126 №-რის დადგენილების მე-2 მუხლისა (ა/კსფსრ კან. კრ. 1929 წ. მე-8 №-რი, მუხ. 73), რომელი დადგენილებითაც გაუქმებულია დადგენილება—„შრომის ინსპექტორების მიერ დამპირაველების პასუხისგებაში მიცემის წესის შესახებ მუწა-მოსამსახურეთა შრომის დაცვის მიზნით გამოცემულ დადგენილებების აღუსრულებლობა. ასათვის“, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1926 წ. აპრილის 5-ს თარიღისა და 28 №-რის დადგენილება „შრომის კანონდებულებათა დარღვევისათვის აღმინისტრაციული გადასახდელის დადების წესის შესახებ“ (კანონ. კრ. 1926 წ. № 2, მუხ. 51) გაუქმებულ იქნეს.

სრულიად საქართველოს ცენტრალური აღმასრუ-
 ლებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს
 თავმჯდომარე **ფ. მახარაძე.**

სრულიად საქართველოს ცენტრალური აღმასრუ-
 ლებელი კომიტეტის მდივანი **ს. თოდრია.**

1929 წ. ივლისის 2.
 ტფილისი—სასახლე.

164. დადგენილება ც.ა.კ. და ს.კ.ს.

პროფესიონალური და კოოპერატიული ორგანიზაციებისათვის გადასაცემი ზოგიერთი ბეითალმანი და უპატრონო ქონების სახის განსაზღვრის შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1928 წ. ნოემბრის 28-ს დადგენილების (სსრკ. კან. კრ. 1928 წ. 68 №-რი, მუხ. 624) მე-2 მუხ. თანახმად სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

ბეითალმანი და უპატრონო ქონებიდან პროფესიონალური ლიტერატურა გადაიცემა პროფესიონალურ კავშირთა განკარგულებაში, ხოლო ის საგნები, რასაც მნიშვნელობა აქვს სოფლის მეურნეობის წარმოებისათვის (სას.-სამ. მანქანა, წამლეულობა და სხვა), კვების პროდუქტები და საფეიქრო ნაკეთობა გადაეცემა სათანადო კოოპერატიულ ორგანიზაციას საქართველოს სსრ ფინანსთა სახალხო

კომისარიატის სიით და იმ წესით, რაც დადგენილდა კონფისკაციაქმნილი, ბეითალმანი და უპატრონო ქონების სათანადო სახალხო კომისარიატებისათვის გადასაცემად.

სრულიად საქართველოს ცენტრალური
აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა
საბჭოს თავმჯდომარე **ფ. მახარაძე.**

სრულიად საქართველოს ცენტრალური
აღმასრულებელი კომიტეტის მდივანი **ხ. თოდრია.**

1929 წ. ივლისის 2.
ტფილისი—სასახლე.

165. დადგენილება ც.ა.კ. და ს.კ.ს.

საქართველოს სსრ საარბიტრაჟო კომისიების დებულებისათვის მე-4¹ მუხლის დამატების შესახებ.

რადგანაც 1929 წლის თებერვლის 6-ს, საერთო-საკავშირო კანონმდებლობის წესით, გამოიცა დებულება—სახელმწიფო საწარმოთა და შერეულ სააქციო საზოგადოებათა არაშემძლეობის შესახებ (სსრკ კან. კრ. 1929 წ. მე-11 №-რი, მუხ. 99 და 100), სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ საარბიტრაჟო კომისიების დებულებას (კან. კრ. 1928 წ. მე-13 №-რი, მუხ. 126) დაემატოს მე-4¹ მუხლი შემდეგი შინაარსისა:

„**მუხ. 4¹.** აგრეთვე საარბიტრაჟო კომისიებს ექვემდებარება საქმეები რესპუბლიკანური და ადგილობრივი მნიშვნელობის სახელმწიფო საწარმოთა და ა/კფსრ ვაჭრობის სახალხო კომისარიატის რწმუნებულის (საქართველოს სსრ-ში) სამმართველოს რეგისტრაციაში გასატარებელ შერეულ სააქციო საზოგადოებათა არაშემძლეობის შესახებ“.

სრულიად საქართველოს ცენტრალური აღმასრუ-
ლებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს
თავმჯდომარე **ფ. მახარაძე.**

სრულიად საქართველოს ცენტრალური აღმასრუ-
ლებელი კომიტეტის მდივანი **ხ. თოდრია.**

1929 წ. ივლისის 2.
ტფილისი—სასახლე.

166. დ ა დ გ ე ნ ი ლ ე ბ ა ც.ა.კ. და ს.კ.ს.

სისხლის სამართლის კოდექსის 85 მუხლის მე-2 ნაწილის შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე 2 მუხლის წესით სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სისხლის სამართლის კოდექსის 85 მუხლის მე-2 ნაწილი შეიცვალოს და მიღებულ იქნეს შემდეგი რედაქციით:

„ხოლო, უკეთეს უკანონოდ მონაპოვარის ან მიყენებული ზიანის ღირებულება ხუთმეტ მანეთს არ აღემატება, იძულებით მუშაობას ოც დღედაღამემდე ან ჯარიმას არა უმეტეს უკანონოდ მონაპოვარის ან ტყის მეურნეობისათვის მიყენებული ზიანის ღირებულებისა ერთი-სამად, რაც დადებულ უნდა იქნეს თემის აღმასრულებელი კომიტეტის მიერ ადმინისტრაციულ წესით, ყველა შემთხვევაში უკანონოდ მონაპოვარის ჩამორთმევით და უკანონოდ მოჭრილი, გატაცებული, განადგურებული ან დაზიანებული ტყის ერთმაგი ღირებულების გადახდევინებით მიწათმოქმედების სახალხო კომისარიატის შემოსავალში ჩასარიცხად“.

სრულიად საქართველოს ცენტრალური აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს თავმჯდომარის მოადგილე **გ. მგალობლიშვილი.**

სრულიად საქართველოს ცენტრალური აღმასრულებელი კომიტეტის მდივანი **ს. თოდრია.**

1929 წ. ივლისის 6.
ტფილისი—სასახლე.

167. დ ა დ გ ე ნ ი ლ ე ბ ა ც.ა.კ. და ს.კ.ს.

სათემო აღმასრულებელი კომიტეტების მიერ ტყის გაჩეხისა და განზრახვი წანახედიის საქმეთა ადმინისტრაციული წესით განხილვის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. საქართველოს სსრ სისხლის სამართლის კოდექსის 85 მუხლის მე-2 ნაწილი და 195 მუხ. გათვალისწინებულ დარღვევათა საქმეები, ე. ი. ტყის გაჩე-

ხისა და განზრახი წანახედის შესახებ, გამოირიცხულ იქნეს იმ საქმეების განხილვის განსაკუთრებული წესიდან, რაც გათვალისწინებულია „სათემო აღმასრულებელი კომიტეტების მიერ სისხლის სამართლის კოდექსის 102 მუხ. მე-2 ნაწილში და 202¹ მუხლში (1928 წ. რეთ. სისხ. სამ. კოდექ. 85 მუხ. მე-2 ნაწ. 195 მუხ.) აღნიშნულ დადგენილებათა დარღვევის გამო აღძრულ საქმეთა და აგრეთვე წანახედით და ტყის წესების დარღვევით მიყენებული, 15 მანეთზე არა უმეტესი, ზარალის გამო აღძრულ საქმეთა განხილვის წესის დებულებაში“ (საქართველოს სსრ კან. კრ. 1927 წ. მე 3 №-რი, მუხ. 40).

2. ამა დადგენილების 1-ლ მუხლში აღნიშნულ საქმეებს ტყის გაჩეხისა და განზრახი წანახედის შესახებ სათემო აღმასრულებელი კომიტეტები განიხილავენ საერთო ადმინისტრატიული წესით.

3. წინადადება მიეცეს იუსტიციის სახალხო კომისარიატს ერთი თვის ვადაზე წარმოადგინოს პროექტი საქართველოს სსრ მომქმედ კანონმდებლობაში შესატანი ცვლილებებისა, რაც გამომდინარეობს ამა დადგენილებიდან.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივანი ს. თოდრაი.

1929 წ. ივლისის 6.
ტფილისი-სასახლე.

გამოქვეყნებულია ვაზ. „კომუნისტი“ ს 188 №-ში 1929 წ. აგვისტოს 17-ს.

168. დადგენილება ც.ა.კ. და ს.კ.ს.

საქართველოს სოც. საბჭ. რესპუბლიკის ახალი ადმინისტრატიულ ტერიტორიალური დაყოფის შესახებ.

თანხმად სრულიად საქართველოს საბჭოთა მეზუთე ყრილობის 1929 წ. აპრილის 13 ს დადგენილებისა-საქართველოს სოციალისტური საბჭოთა რესპუბლიკის დარაიონების შესახებ—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. მოხდეს საქართველოს სოციალისტური საბჭოთა რესპუბლიკის ახალი ადმინისტრატიულ-ტერიტორიალური დაყოფა ადმინისტრატიულ-ტერიტორიალური ერთეულების სამსაფეხურიანი სისტემის მიხედვით—ოლქებად, რაიონებად და სოფლის საბჭოს მიერ გაერთიანებულ ადმინისტრატიულ-ტერიტორიალურ ერთეულებად.

2. მოეწყოს შემდეგი ოლქები:

1) ტფილისის ოლქი ამ ქაზად არსებული ტფილისისა და ბორჩალოს მაზრების შედგენილობით და ცენტრით ტფილისში;

2) კახეთის ოლქი ამ ქაზად არსებული კახეთის მაზრის შედგენილობით და ცენტრით სოფ. გურჯაანში;

3) გორის ოლქი ამ ქაზად არსებული გორის მაზრის შედგენილობით და ცენტრით ქალ. გორში;

და 4) ქუთაისის ოლქი ამ ქაზად არსებული ქუთაისისა, შორაპნისა და რაქა-ლენხუმის მაზრების შედგენილობით და ცენტრით ქ. ქუთაისში.

3. ახლად მოწყობილი ოლქები (მუხ. 2) და აგრეთვე ახალქალაქისა, ახალციხისა, ოზურგეთისა, სენაკისა და ზუგდიდის მაზრები დაიყოს საადმინისტრაციო-სამეურნეო მხრით რაიონებად, ხოლო რაიონები-სოფლის ადმინისტრაციულ-ტერიტორიალურ ერთეულებად.

რაიონებისა და სოფლის ერთეულების რაოდენობასა, საზღვრებსა და ცენტრებს დააწესებენ ამა დადგენილების მე-5 მუხლის მე 2 ნაწილში აღნიშნული ორგანოები—საქართველოს სსრ ახალი ადმინისტრაციულ-ტერიტორიალური დაყოფის განმახორციელებელი ცენტრალური კომისიის საერთო დირექტივების მიხედვით,—და საქართველოს სსრ სახალხო კომისართა საბჭოს მიერ დადასტურების შემდეგ, დაამტკიცებს სრულიად საქართველოს ცენტრალური აღმასრულებელი კომიტეტი.

4. ამა დადგენილებით გათვალისწინებული მოწყობა ოლქებისა, რაიონებისა და სოფლის ერთეულებისა განხორციელებულ იქნეს 1929 წ. ოქტომბრის 1-დან.

აღნიშნულ დროიდანვე გაუქმებულ იქნეს ტფილისისა, ბორჩალოს, კახეთისა, გორისა, ქუთაისისა, შორაპნისა და რაქა-ლენხუმის მაზრები და აგრეთვე ყველა არსებული სათემო საბჭო.

5. ამა დადგენილებით გათვალისწინებული ახალი ადმინისტრაციულ-ტერიტორიალური დაყოფის განსახორციელებლად მოეწყ ეს: ცენტრალური კომისია—სრულიად საქართველოს ცენტრალურ აღმასრულებელ კომიტეტთან და ტფილისისა, კახეთისა, გორისა და ქუთაისის საოლქო კომისიები, რომელთა შედგენილობასაც დანიშნავს სრულიად საქართველოს ცენტრალური აღმასრულებელი კომიტეტის პრეზიდიუმი.

საოლქო კომისიებმა და აგრეთვე ახალციხისა, ახალქალაქისა, ოზურგეთისა, სენაკისა და ზუგდიდის აღმასრულებელმა კომიტეტებმა უნდა წარადგინონ, არა უგვიანეს 1929 წ. აგვისტოს 15-სა, ცენტრალურ კომისიაში ამა დადგენილებისა და ცენტრალური კომისიის საერთო დირექტივების საფუძვლებზე შედგენილი სათანადო ოლქებისა და მაზრების ახალი ადმინისტრაციულ-ტერიტორიალური დაყოფის პროექტები.

ცენტრალურმა კომისიამ, საქართველოს სსრ სახალხო კომისართა საბჭოს მეშვეობით, უნდა წარადგინოს, არა უგვიანეს 1929 წ. სექტემბრის 1-სა, სრულიად საქართველოს ცენტრალური აღმასრულებელი კომიტეტის პრეზიდიუმში

საქართველოს სსრ ახალი ადმინისტრაციულ-ტერიტორიალური დაყოფის საერთო პროექტი.

6. წინადადება მიეცეს აფხაზეთის სსრ-ისა, აჭარისტანის ავტონომიური სსრ-ისა და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტებს წარუდგინონ, არა უგვიანეს 1929 წ. აგვისტოს 5-სა, სრულიად საქართველოს ცენტრალური აღმასრულებელი კომიტეტის პრეზიდიუმს თავიანთი მოსაზრებანი ამა დადგენილებიდან გამომდინარე ცვლილებათა შესახებ, რაც შეტანილ უნდა იქნეს აღნიშნული რეკომენდაციებისა და ოლქის მომქმედ ადმინისტრაციულ-ტერიტორიალურ დაყოფის სისტემაში.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს თავმჯდომარე ფ. მახარაძე.

სრულიად საქართველოს ცენტრალური აღმასრულებელი კომიტეტის მდივანი ს. თოდრია.

1929 წ. ივლისის 11.
ტფილისი—სასახლე.

გამოქვეყნებულია გაზ. „კომუნისტი“-ს 164 №-ში 1929 წ. ივლისის 20-ს.

169. დ ა დ გ ე ნ ი ლ ე ბ ა ც.ა.ა. დ ა ს.ა.ს.

„სანაპირო ადგილების აღმასრულებელი კომიტეტებისათვის კონტრაბანდისტების/ადმინისტრაციული წესით განდევნის უფლების მინიჭების თაობაზე“ გამოცემული დადგენილების გაუქმების შესახებ.

სსრკ-ის საბაჟო კოდექსის დამტკიცების შესახებ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1929 წ. დეკემბრის 19-ს დადგენილების (სსრკ კან. კრ. 1927 წ. 1-ლი №-რი, მუხ. 1) მე-7 მუხ. თანახმად სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს მიერ 1928 წ. სექტემბრის 19-ს თარიღითა და 78 ნომრით გამოცემული დადგენილება „სანაპირო ადგილების აღმასრულებელი კომიტეტებისათვის კონტრაბანდისტების ადმინისტრაციული წესით განდევნის უფლების მინიჭების თაობაზე“ გამოცემული დადგენილების გაუქმების შესახებ.

ტრიატიული წესით განდევნის უფლების მინიჭების შესახებ (კან. კრ. 1928 წ. № 15, მუხ. 145) გაუქმებულ იქნეს.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივანი ხ. თოდრაი.

1929 წ. ივლისის 11.
ტფილისი-სასახლე.

გამოქვეყნებულია ვაზ. „კომუნისტი“-ს 190 №-ში 1929 წ. აგვისტოს 20-ს.

170. დ ა დ გ ე ნ ი ლ ე ბ ა ც.ა.კ. დ ა ს.კ.ს.

„სამხედრო სამსახურის ინვალიდთა და მათი ოჯახებისა, გარდაცვალებულ ან უგზო-უკვლოდ დაკარგულ სამხედრო მსახურთა ოჯახებისა, მუშათა და გლეხთა წითელ არმიასი გაწვეულ პირთა ოჯახებისა და აგრეთვე კონტრ-რევოლიუციასთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის შესახებ“ გამოცემული დებულების შეცვლისა და დამატების შესახებ.

იმ მიზნით, რათა სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1927 წლის სექტემბრის 30-ის თარიღისა და 85 №-ის დადგენილებით (საქართველოს სსრ კან. კრებ. 1927 წ. 9 №-რი, მუხ. 133) დამტკიცებული დებულება „სამხედრო სამსახურის ინვალიდთა და მათი ოჯახებისა, ომში გარდაცვალებულ ან უგზო-უკვლოდ დაკარგულ სამხედრო მსახურთა ოჯახებისა, მუშათა და გლეხთა წითელ არმიასი გაწვეულ პირთა ოჯახებისა და აგრეთვე კონტრ-რევოლიუციასთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის შესახებ“ საესებით შეთანხმებულ იქნეს სსრ კავშირის ცენტრალურ აღმასრულებელი კომიტეტისა და სახალხო კომისართა საბჭოს 1926 წლის დეკემბრის 31-ის დადგენილებასთან „მუშათა და გლეხთა წითელი არმიის ნაწილების საკადრო შედგენილობაში ნამდვილი სამხედრო სამსახურისათვის გაწვეულ მოქალაქეთა ოჯახების უზრუნველყოფის შესახებ“ (სსრკ კან. კრებ. 1927 წ. 3 №-რი, მუხ. 30)—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღდგენენ:

1. „სამხედრო სამსახურის ინვალიდთა და მათი ოჯახებისა, ომში გარდაცვალებულ ან უგზო-უკვლოდ დაკარგულ სამხედრო მსახურთა ოჯახებისა, მუშათა და გლეხთა წითელ არმიასი გაწვეულ პირთა ოჯახებისა და აგრეთვე კონტრ-რევოლიუციასთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის შესახებ“ გამოცემული დებულების სათაური მიღებულ იქნეს შემდეგი რედაქციით:

„დებულება სამხედრო სამსახურის ინვალიდებისა და მათი ოჯახებისა, გარდაცვალებულ და უგზოუკვლოდ დაკარგულ სამხედრო მსახურთა ოჯახებისა, მუშათა და გლეხთა წითელი არმიის ნაწილების საკადრო შედგენილობაში ნამდვილი სამხედრო სამსახურისათვის გაწვეულ პირთა ოჯახებისა და აგრეთვე კონტრ-რევოლიუციასთან ბრძოლაში აქტიური მონაწილეობის გამო შრომის უნარდაკარგულ პირთა ან ამავე პირობებში მარჩენალის დამკარგველ პირთა სახელმწიფო უზრუნველყოფის შესახებ“.

2. ზემოაღნიშნული დებულების 1 მუხლის მე-2 შენიშვნა მიღებულ იქნეს შემდეგი რედაქციით:

შენიშვნა. ამა მუხლის „დ“ პუნქტში აღნიშნულ პირთა ოჯახები უზრუნველყოფილ უნდა იქნენ შემდეგ შემთხვევაში: ა) უკეთეს ეს პირნი გაწვეულ არიან ნამდვილ სამხედრო სამსახურისათვის მუშათა და გლეხთა წითელი არმიის ნაწილის საკადრო შედგენილობაში და მათ აქვთ მინიჭებული შეღავათი ოჯახური და ქონებრივი მდგომარეობის მიხედვით (სავალდებულო სამხედრო სამსახურის 1928 წ. აგვისტოს 28 კანონის 79 და 126 მუხ. სსრკ კან. კრ. 1928 წ. 51 №-რი, მუხ. 149); ბ) უკეთეს გაწვევის შემდეგ გაწვეულის ოჯახური მდგომარეობაში მოხდა ისეთი ცვლილება, რაც მას უფლებას აძლევს მიიღოს სავალდებულო სამხედრო სამსახურის კანონის 79 მუხ. ვათავალისწინებული ერთ-ერთი შეღავათი“.

3. ზემოაღნიშნული დებულების მე-4 მუხლს დაემატოს შენიშვნა შემდეგი შინაარსისა:

შენიშვნა. ოჯახის იმ წევრთა შედგენილობას, რომელნიც უზრუნველყოფილ უნდა იქნენ ამა დებულების 1 მუხლის „დ“ პუნქტის თანახმად, მიეკუთვნებიან: ა) შვილები, ძმები და დები, რომელთაც თექვსმეტი წელი არ შესრულებიათ; ბ) შვილები, ძმები და დები, რომელნიც ინვალიდობის მხრივ მიეწერებიან ინვალიდობის პირველი სამი ჯგუფის ერთ-ერთ ჯგუფს, უკეთეს მათ შრომის უნარი დაჰკარგეს თექვსმეტი წლის ასაკამდე; გ) შრომის უნარმოკლებული მშობლები და მეუღლე, რომელნიც მიეწერებიან ინვალიდობის პირველი სამი ჯგუფის ერთ-ერთ ჯგუფს; დ) ის პირნი, ამა შენიშვნის „გ“ პუნქტში ჩამოთვლილ პირთაგან, ვისაც, თუმცა შრომის უნარი არ დაუკარგავს, მაგრამ თავის მხრუნველობაში აყვანილი ჰყავს გაწვეულის შვილები, ძმები და დები, რომელთაც რვა წელი არ შესრულებიათ“.

4. აღნიშნული დებულების მე-5 მუხლი მიღებულ იქნეს შემდეგი რედაქციით: „მუხ. 5. წინა მუხლში (4 მუხ.) აღნიშნული ოჯახის წევრები ამა დებულების 1 მუხლის „ბ“, „გ“ და „ე“ პუნქტების თანახმად უზრუნველყოფილ უნდა იქნენ მხოლოდ იმ შემთხვევაში, უკეთეს მათ არა აქვთ საკმაო სახსარი არსებო-

ბისათვის და იმყოფებოდნენ მარჩინალის ხარჯზე მისი გარდაცვალების ან უგზო-უკვლოდ დაკარგვის დადგენის დღეს; ამასთან შრომის უნარდაკარგული მშობლები, ძმები და დები სოციალურ უზრუნველყოფაზე მიიღებიან მხოლოდ იმ შემთხვევაში, უკეთუ მათ არა ჰქავეთ სხვა ნათესავი, რომელიც კანონით ვალდებულია არჩინოს ისინი და შეუძლიან კიდევ მათი რჩენა:

ხოლო იმ პირთა ოჯახის წევრები, რომელნიც აღნიშნულ არიან ამა დებულების 1 მუხლის „დ“ პუნქტში (4 მუხლის შენიშვნა), უზრუნველყოფილ უნდა იქნენ მხოლოდ იმ შემთხვევაში, უკეთუ ისინი ამ პირთა სამხედრო სამსახურში გაწვევის დღეს მათ რჩენაზე იმყოფებოდნენ“.

5. ზემოაღნიშნული დებულებია მე-5 მუხლის შენიშვნა ამოიშალოს.

6. აღნიშნული დებულების მე-6 მუხლი მიღებულ იქნეს შემდეგი რედაქციით:

„მუხ. 6. უზრუნველყოფაზე მიღების საკითხს გადასწყვეტენ საუწყებოთა-შორისო კომისიები; ამ კომისიათა შედგენილობას და აგრეთვე მათი დადგენილებების განხორციელების წესს. ამ დადგენილებათა განსაზღვრების წესს და პენსიისა და დახმარების გაცემის წესს განსაზღვრავს სოციალური უზრუნველყოფის სახალხო კომისარიატი საქართველოს სსრ ფინანსთა სახალხო კომისარიატთან და სამხედრო და საზღვაო საქმეთა სახალხო კომისარიატის რწმუნებულთან (ა/კსფსრ-ში) შეთანხმებით.“

შენიშვნა. იმ პირთა ოჯახის წევრებს, რომელნიც აღნიშნული არიან ამა დებულების 1-ლი მუხლის „დ“ პუნქტში და რომელნიც სოფლად ცხოვრობენ, დახმარება მიეცემათ წინდაწინ საბიუჯეტო წლის თვითეული კვარტალისათვის“.

7. იმავე დებულების მე-8 მუხლი მიღებულ იქნეს შემდეგი რედაქციით:

„მუხ. 8. საექიმო შემწვების წესსა და პირობებს იმის გამოსარკვევად, თუ რამდენად აქვს დაკარგული შრომის უნარი ამა თუ იმ პირს, განსაზღვრავს საქართველოს სსრ ჯანმრთელობის სახალხო კომისარიატი სოციალური უზრუნველყოფის სახალხო კომისარიატთან და შრომის სახალხო კომისარიატთან შეთანხმებით“.

8. აღნიშნული დებულების მე-9 მუხლს დაემატოს შენიშვნა შემდეგი შინაარსისა:

შენიშვნა. ამა მუხლის „გ“ პუნქტში გათვალისწინებული უზრუნველყოფა არ გავრცელდება დებულების 1 მუხლის „დ“ პუნქტში აღნიშნულ პირთა ოჯახის წევრზე“.

9. აღნიშნული დებულების მე-10 მუხლი მიღებულ იქნეს შემდეგი რედაქციით:

„მუხ. 10. ინვალიდების პენსიის ნორმებს და აგრეთვე იმ პირთა კონტიგენტს, რომელთაც უნდა მიეცეს პენსია სახელმწიფო უზრუნველყოფის წესით, ყოველი საბიუჯეტო წლისათვის განსაზღვრავს საქართველოს სსრ სახალხო კომისარიატი საბჭო სოციალური უზრუნველყოფის სახალხო კომისარიატის წარდგენით, რასაც ეს უქანასქნელი შეუთანხმებს საქართველოს სსრ ფინანსთა სახალხო კომისარიატს.“

შენიშვნა. ამა დებულების 1 მუხლის „დ“ პუნქტში აღნიშნულ პირთა ოჯახის წევრებს ყოველთვიური ფულადი დახმარება მიეცემათ ა/კუსტრ სახალხო კომისათა საბჭოს მიერ დადგენილი ნორმებით“.

10. აღნიშნული დებულების მე-11 მუხლი მიღებულ იქნეს შემდეგი რედაქციით.

„მუხ. 11. ხარჯი, რაც საჭირო იქნება ამა დებულების წესით დანიშნული პენსიებისა და დახმარების გასაცემად, დაიფარება სახელმწიფო და ადგილობრივი ბიუჯეტის სახსარით; ამასთანავე საერთო სახელმწიფო სახსარით დაიფარება მხოლოდ 25% იმ ხარჯისა, რაც საჭირო იქნება ომის ინვალიდებისა, მათი ოჯახებისა და ომში დაღუპულ პირთა ოჯახებისათვის დახმარების მისაცემად. სამოქალაქო ომის ინვალიდებისათვის და ამა დებულების 1 მუხლის „დ“ პუნქტში აღნიშნულ პირთა ოჯახის წევრებისათვის მისაცემი დახმარების ხარჯი. ამის გარდა, დაიფარება სოციალური უზრუნველყოფის სახალხო კომისარიატის იმ სპეციალური სახსარით, რაც შესდგება სავალდებულო სამხედრო სამსახურის კანონის 245 მუხლისა (სსრკ კან. კრ. 1928 წ. 51 №-რი, მუხ. 449) და სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ ზურგის ლაშქარში ჩარიცხულ მოქალაქეთა სპეციალური სამხედრო გადასახადის შესახებ“ 1929 წლის აპრილის 10-ის თარიღით გამოცემული დადგენილების (სსრკ კან. კრებ. 1929 წ. 28 №-რი, მუხ. 252) მე-6 მუხლის საფუძველზე“.

11. იმავე დებულების მე-12 მუხლი მიღებულ იქნეს შემდეგი რედაქციით:

„მუხ. 12. ინვალიდობის ხარისხს, რომლის დროსაც საპენსიო უზრუნველყოფა დაინიშნება, გარდა იმ შემთხვევისა, როდესაც პენსია ენიშნებათ ამა დებულების 1 მუხლის „დ“ პუნქტში აღნიშნულ პირთა ოჯახებს (მე-4 მუხლის შენიშვნა)-და აგრეთვე უზრუნველყოფის პირობებსა და სახეს განსაზღვრავს სოციალური უზრუნველყოფის სახალხო კომისარიატი, სთანადო უწყებებთან შეთანხმებით, და დაამტკიცებს სახალხო კომისართა საბჭო“.

12. იმავე დებულების მე-13 მუხლი მიღებულ იქნეს შემდეგი რედაქციით:

„მუხ. 13. სოციალური უზრუნველყოფის სახალხო კომისარიატს ეკისრება განსაზღვროს ინვალიდებისა და მათი ოჯახების წევრთა ქონებრივი მდგომარეობის აღნუსხვის პირობები და წესი; ამასთანავე, უკეთეს აღმოჩნდება, რომ აღნიშნულ პირთ მოვპოვებათ რაიმე შემოსავალი ან საშოვარი, ეს გარემოება მიიღება მხედველობაში პენსიის დანიშვნის დროს და ამის მიხედვით ოჯახის წევრს შეიძლება შეუჭირდეს პენსიის მიცემა ან ის სრულიად ჩამოერთვას“.

13. მე-15 მუხლის „ა“ და „ბ“ პუნქტები მიღებულ იქნეს შემდეგი რედაქციით:

„ა“) სწავლება და ხელახლა სწავლება სოციალური უზრუნველყოფის სახალხო კომისარიატის მიერ ინვალიდებისათვის დაარსებულ პროფესიონალურ-ტექნიკურ სკოლებში; „ბ“) სოციალური უზრუნველყოფის სახალხო კომისარიატის მიერ ინვალიდთა საშრომო შენაერთების მოწყობა განსაკუთრებული დებულების საფუძველზე“.

14. აღნიშნული დებულების მე-18 მუხლს დაემატოს 1-ლი და მე-2 შენიშვნა შემდეგი შინაარსისა:

შენიშვნა. 1. ამა დებულების 1 მუხლის „დ“ პუნქტში აღნიშნულ პირთა ოჯახის წევრებს ყოველთვიური ფულადი დახმარება მიეცემა მათი ქონებრივი მდგომარეობის მიუხედავად მთლიან იმ დროის განმავლობაში, როცა გაწვეული იმყოფება განუწყვეტელ სამსახურში მუშათა და გლეხთა წითელი არმიის ნაწილის საკადრო შედგენილობაში და ამის გარდა, ორი თვის განმავლობაში დღიდან გრძელვადიან შევბუღებაში დათხოვნისა. ამავე ვადით უზრუნველსაყოფი პირი მოთავსდება სოციალური უზრუნველყოფისა, ჯანმრთელობის დაცვისა და სახალხო განათლების ორგანოთა დაწესებულებებში“.

„შენიშვნა 2. უკეთეს ამა დებულების 1 მუხლის „დ“ პუნქტში აღნიშნული პირი გაიქცევა წითელი არმიის რიგებიდან (დებერტირობა), მისი ოჯახი დაჰკარგავს ამა დებულებით გათვალისწინებულ უზრუნველყოფას“.

15. იმავე დებულების მე-20 მუხლი მიღებულ იქნეს შემდეგი რედაქციით: „მუხ. 20. ინსტრუქციას ამა დებულების შესაფარდებლად გამოსცემს სოციალური უზრუნველყოფის სახალხო კომისარიატი ფინანსთა სახალხო კომისარიატთან, განათლების სახალხო კომისარიატთან, ჯანმრთელობის სახალხო კომისარიატთან და სამხედრო და საზღვაო საქმეთა სახალხო კომისარიატის რწმუნებულთან ა/კსფსრ-ში) შეთანხმებით.“

სრულიად საქართველოს ცენტრალური აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს თავმჯდომარის მოადგილე **გ. მგალობლიშვილი.**

სრულიად საქართველოს ცენტრალური აღმასრულებელი კომიტეტის მდივანი **ს. თოდრია.**

1929 წ. ივლისის 11.

ტფილისის—სახლდე.

გამოქვეყნებულია გაზ. „კომუნისტი“-ს 191 №-ში 1929 წ. აგვისტოს 21.

171. დადგენილება ც. ა. კ. და ს. კ. ს.

სამოქალაქო სამართლის კოდექსის 71 მუხლის-შენიშვნებითურთ-შეცვლისა და სამოქალაქო სამართლის კოდექსისათვის 154 მუხლის-შენიშვნისა და 156¹ და 156² მუხლების დამატების შესახებ.

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ს თარიღისა და 77 №-ის დადგენილების მე-2 მუხ. წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭოს ადგენენ:

I. სამოქალაქო სამართლის კოდექსის 71 მუხლი-შენიშვნებითურთ შეიცვალოს და მიღებულ იქნეს შემდეგ რედაქციით:

„71. მიწების სააღნაგოდ გაცემის ხელშეკრულება დაიდება კოოპერატივთა შენაერთთან ან სხვა იურიდიულ პირთან და აკრეფე ცალკე მოქალაქესთან. ხელშეკრულებას დასდებს, როდესაც ქალაქის მიწა გაიცემა—კომუნალური განყოფილება, ხოლო, როდესაც ქალაქს გარკდ მდებარე მიწა გაიცემა—საადგილმამულო და სხვა ადგილობრივი ორგანო, რომელიც განაგებს სათანადო მიწას. ხელშეკრულება დაიდება ვადით 65 წლამდე-ქვისა (აგურის) და რკინა-ბეტონის შენობისა, 60 წლამდე-შერეული შენობისათვის და 50 წლამდე-ხის შენობისათვის.

კერძო პირებს-ფიზიკურსა და იურიდიულს-მიწები მიეცემათ დიდი საცხოვრებელი სახლების ასაშენებლად; ამ სახლების მინიმალურ რაოდენობას განსაზღვრავს საქართველოს სსრ სახალხო კომისართა საბჭო; მიწები გაიცემა ვადით: 80 წლამდე-ქვის (აგურის), რკინა-ბეტონისა და შერეული შენობისათვის და 60 წლამდე—ხის შენობისათვის.

უკეთუ მიწა გაიცემა მუშათა ბინების ასაშენებლად, აღნაგობის უფლების ხელშეკრულება უნდა დაიდვას პირველ აბზაცში აღნიშნული უკიდურესი ვადით.

ხოლო, უკეთუ არსებული შენობები აღნაგობის ხელშეკრულებით გაიცემა აღსადგენად, დასამთავრებლად, დასაშენებლად, მისაშენებლად ან გადასაკეთებლად მუშათა ბინებისათვის (მუხ. 84), აღნაგობის უფლებას ხელშეკრულება დადებულ უნდა იქნეს ვადით არა ნაკლებ ამა მუხლში აღნიშნული (პირველ აბზაცში) უკიდურესი ვადის ორი მესამედისა.

მუშათა და საერთო-სამოქალაქო საბინაო-სამშენებლო კოპერატიულ ამხანაგობათ მიწები შენობის ასაგებად, აღსადგენად ან დასამთავრებლად მიეცემათ, მათი სურვილისამებრ, ან ვადით აღნაგობის ხელშეკრულებისამებრ, ან უვადო სარგებლობისათვის. უვადო სარგებლობისათვის მიცემულ მიწებზე აგებული შენობები ეკუთვნის ამ ამხანაგობათ კოოპერატიული საკუთრების უფლების საფუძველზე. უკეთუ შენობა მოისპო, მიწის უვადო სარგებლობის უფლება შენარჩუნებულ იქნება იმ პირობით, რომ აგებულ იქნეს ახალი შენობა არა უგვიანეს სამი წლის ვადისა წინანდელი შენობის მოსპობის დღიდან.

შენიშვნა 1. აღნაგობის უფლების ხელშეკრულება შეიძლება გავრცელებულ იქნეს მიწის ისეთ ნაკვეთზე, რომელიც პირდაპირ არ არის დანიშნული შენობისათვის, ხოლო ხელს უწყობს მას მეურნეობრივად.

შენიშვნა 2. მუშათა საბინაო-სამშენებლო კოოპერატიული ამხანაგობის მოთხოვნით ადგილობრივი აღმასრულებელი კომიტეტი მოვალეა ამ ამხანაგობასთან დადებული აღნაგობის უფლების ხელშეკრულება შესცვალოს ხელშეკრულებად მიწის ნაკვეთის უვადო სარგებლობისათვის მიცემის შესახებ. ასეთი ხელშეკრულების დადების დღიდან აღნიშნულ ნაკვეთზე აგებული შენობა ითვლება მუშათა საბინაო-სამშენებლო კოოპერატიული ამხანაგობის საკუთრებად კოოპერატიული საკუთრების უფლების საფუძველზე.

უკეთუ აღნაგობის უფლება დაგირავებულია, ხელშეკრულების გადასინჯვა შეიძლება მხოლოდ მოგირავნის თანხმობით“.

II. სამოქალაქო სამართლის კოდექსს დაემატოს 154 მუხლის შენიშვნა და 156¹ და 156² მუხლები შემდეგი შინაარსისა:

შენიშვნა 154 მუხლისა. საბინაო-საიჯარო კოპერატიული ამხანაგობისათვის შენობის მიქირაულების მინიშალური ვადა განისაზღვრება 9 წლით. ადგილობრივ საბჭოს შეუძლიან გაადიდოს იჯარის ვადა 24 წლამდე, უკეთეს იჯარით გაცემულ სახლს ისეთი კაპიტალური რემონტი სჭირდება, რომლის ხარჯიც სახლის ღირებულების 15⁰/₁₀₀-ზე ნაკლები არ არის“.

მუხ. 156¹. მუნიციპალურ სახლებში, მათ შორის საბინაო-საიჯარო კოპერატიულ ამხანაგობათა მიერ იჯარით აღებულ სახლებშიაც, მშრომელთ უფლება აქვთ გაუცვალონ ერთმანეთს საცხოვრებელი სადგომები ერთიდაიმავე ქალაქისა და მისი მიდამოების ფარგლებში; ხოლო, უკეთეს ბინების გაცვლა საქირაო სახელმწიფო დაწესებულებათა და საწარმოთა მომუშავეებს შორის, მათი მუშაობის ადგილის შეცვლის გამო, ერთ ქალაქში მდებარე ბინა შეიძლება გაცვილილ იქნეს მეორე ქალაქში მდებარე ბინაზე. საცხოვრებელი სადგომების გაცვლა დროზე უნდა ეცნობოს სახლის სამოურაოს.

მრეწველობისა და ტრანსპორტის საწარმოთა კუთვნილ სახლებში საცხოვრებელი სადგომების გაცვლა-გამოცვლა შეიძლება მხოლოდ საწარმოს ადმინისტრაციის თანხმობით“.

მუხ. 156². მრეწველობისა და ტრანსპორტის სახლებში, აგრეთვე სპეციალური სამანევრო ფონდის სახლებში, რომლებიც ადგილობრივი საბჭოების უშუალო ექსპლუატაციაშია, საცხოვრებელი სადგომი შეიძლება გაქირავებულ იქნეს განსაზღვრული ვადით. ქირაუნობის ვადის გასვლის შემდეგ დაქირავებულის, რა კატეგორიისაც უნდა იყოს იგი, შეიძლება გამოსახლებულ იქნეს სასამართლოს წესით“.

სრულიად საქართველოს ცენტრალური აღმასრულებელი კომიტეტის თავმჯდომარე **მ. ცხაკაია.**

საქართველოს სსრ სახალხო კომისართა საბჭოს თავმჯდომარის მოადგ. **გ. მგალობლიშვილი.**

სრულიად საქართველოს ცენტრალური აღმასრულებელი კომიტეტის მდივანი **ს. თოდრია.**

1929 წ. ივლისის 11.

ტფილისი—სასახლე.

გამოქვეყნებულია გაზ. „კომუნისტი“-ს 191 №-ში 1929 წ. აგვისტოს 21.

172. დადგენილებათა ც.ა.კ. და ს.კ.ს.

სათამაშო დებულებების მე-2, 3 და 17 მუხლების შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სათამასუქო დებულების მე-2, 3 და 17 მუხლები მიღებულ იქნეს შემდეგი რედაქციით:

„მუხ. 2. მარტივი თამასუქი, რათა მას თამასუქის ძალა არ დაეკარგოს, აუცილებლად უნდა შეიცავდეს: ა) თამასუქის შედგენის ადგილისა და დროის (წელიწადი, თვე და რიცხვი) აღნიშვნას; ბ) გასაცემი ვალდებულების სახელწოდებას—სიტყვა „თამასუქს“—იმავე ენაზე, რა ენაზედაც თვით ვალდებულება დაწერილი; გ) ამა თუ იმ პირობით ან თუობით შეუზღუდველ ვალდებულებას თამასუქის გამცემისას, რომ იგი გადაიხდის განსაზღვრულ ფულად თანხას, რაც აღნიშნულ უნდა იქნეს მანეთებით ან სახელმწიფო ბანკის საბანკო ბილეთებით—ჩერვონცებით—და დაწერილი სიტყვებით; დ) სახელწოდებას იმ პირისას, ვისთვისაც ან ვისი ბრძანებითაც ფული გადახდილ უნდა იქნეს; ე) გადახდის ვადას; ვ) თამასუქის გამცემის ხელმოწერას.

შენიშვნა 1. ყოველი ისეთი შესწორება თამასუქის ტექსტისა, რაც მის შინაარს შეცვლის, ცალკე უნდა აღინიშნოს თამასუქის გამცემის ხელმოწერის წინ. თამასუქში აღნიშნული თანხის შესწორება არავითარ შემთხვევაში არ შეიძლება. უკეთუ თამასუქის გამცემს არ შეუძლიან (წერა-კითხვის უცოდინანობისა, ავადმყოფობისა თუ სიბრმავის გამო და სხვ.) თამასუქზე პირადად ხელისმოწერა, შეიძლება მის მაგიერ, მისივე თხოვნით, სხვა პირმა მოაწეროს ხელი, რაც დამოწმებულ უნდა იქნეს სანოტარო ორგანოს ან სახალხო მოსამართლის მიერ.

შენიშვნა 2. თამასუქის დაწერის გასაადვილებლად ამასთანავე დართულია თამასუქისა და გადაცემის წარწერის სანიმუშო ფორმები“.

„მუხ. 3. ფულის გადახდა ისეთი თამასუქით, რომლის თანხაც აღნიშნულია სახელმწიფო ბანკის საბანკო ბილეთებით—ჩერვონცებით, შეიძლება ამ ბილეთებით ან, უკეთუ თამასუქის პატრონი თანხა იქნება, მანეთებით. საზღვარგარედ უცხოეთის ვალიუტით დაწერილი და სსრ კავშირის ფარგლებში გადასახდელი თამასუქის თანხა, აგრეთვე სსრ კავშირის ფარგლებში დაწერილი და საზღვარგარედ გადასახდელი თამასუქის თანხა, იმ შემთხვევაში, უკეთუ თამასუქი გასანაღდებლად სსრ კავშირის ფარგლებში იქნა წარდგენილი, გამოიანგარიშება მანეთობით ოფიციალური კურსის მიხედვით“.

„მუხ. 17. შეპირებული თამასუქი, რათა მას თამასუქის ძალა არ დაეკარგოს, აუცილებლად უნდა შეიცავდეს: 1) თამასუქის შედგენის ადგილისა და დროის (წელიწადი, თვე და რიცხვი) აღნიშვნას; 2) გასაცემი ვალდებულების სახელწოდებას—სიტყვა—თამასუქს“ იმავე ენაზე, რა ენაზედაც თვით ვალდებულება დაწერილი; 3) თამასუქის თანხის გადამხდელის (ტრასანტის) სახელწოდებას; 4) წინადადებას გადამხდელის ნიმართ—გადაიხადოს ფული თამასუქით; 5) იმ პირის სახელწოდებას, ვისაც ფული უნდა გადაეხადოს, (თამასუქის პირველ შემძენს); 6) გადასახდელ თანხას, რაც სიტყვით დაიწერება და მანეთებით ან სახელმწიფო ბანკის საბანკო ბილეთებით—ჩერვონცებით აღინიშნება; 7) გადახდის ვადას; 8) გადახდის ადგილის ან გადამხდელის საცხოვრებელი ადგილის აღნიშვნას; 9) თამასუქის გამცემის (ტრასანტის) ხელმოწერას.

შენიშვნა. თამასუქის პატრონს შეუძლიან თავისი თავი დანიშნოს თამასუქის პირველ შემძენად; მასვე შეუძლიან თავისი თავი გადამხდელადც დანიშნოს“.

სრულიად საქართველოს ცენტრალური აღმასრულებელი კომიტეტის თავმჯდომარე **მ. ცხაკაია**.

საქართველოს სსრ სახალხო კომისართა საბჭოს თავმჯდომარის მოადგილე **გ. მგალობლიშვილი**.

სრულიად საქართველოს ცენტრალური აღმასრულებელი კომიტეტის მდივანი **ს. თოდრია**.

1929 წ. ივლისის 11.
ტფილისი-სასახლე.

გამოქვეყნებულია გაზ. „კომუნისტი“-ს 192 №-ში 1929 წ. აგვისტოს 22.

173. დადგენილებათა ც.ა.კ. და ს.ა.ს.

„კოოპერატიული ორგანიზაციების მოქმედებაში ხელისუფლების ორგანოების უკანონო ჩარევით მიყენებული ზარალისათვის პასუხისმგებლობის თაობაზე“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1924 წ. აგვისტოს 1-ს დადგენილებებისათვის მე-5 მუხლის დამატების შესახებ.

რათა მოსპობილ იქნეს ხელისუფლების ადგილობრივი ორგანოების ჩარევა საქრთოდ—კოოპერატიულ ორგანიზაციათა და კერძოდ—სასოფლო-სამეურნეო საკრედიტო კოოპერატიულ ამხანაგობათა ოპერატიულ მოქმედებაში (წინადადება სესხის გადახდის ვადის გადადებისა, თამასუქების საპროტესტოდ წარდგენის აკრძალვის შესახებ და სხვ.), რაც დღემდე გრძელდება, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წ. აგვისტოს 1-ს დადგენილებას „ხელისუფლების ორგანოების პასუხისმგებლობის შესახებ კოოპერატიული ორგანიზაციების მოქმედებაში მათი უკანონო ჩარევით მიყენებული ზარალისათვის“ (კან. კრ. 1928 წ. მე-15 №-რი, მუხ. 138) დაემატოს მე-5 მუხლი შემდეგი შინაარსისა:



„მუხ. 5. ამა დადგენილების დარღვევისათვის დამნაშავე თანამდებობის პირი პასუხს აგებს სისხლის სამართლის წესით, როგორც ხელისუფლების გადა-
მეტებისათვის, სისხლის სამართლის კოდექსის 115 მუხლის თანახმად“.

სრულიად საქართველოს ცენტრალური აღმას-
რულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს
თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმას-
რულებელი კომიტეტის მდივანი ხ. თოდრაია.

1929 წ. ივლისის 11.
ტფილისი—სასახლე.

გამოქვეყნებულია ვახ. „კომუნისტი“-ს 191 №-ში 1929 წ. აგვისტოს 21.

174. დადგენილება ც.ა.ბ. და ს.ბ.ს.

სარეწაო კოოპერაციის დებულების მე-9 მუხლისათვის მე-2
შენიშვნის დამატების შესახებ.

სრულიად საქართველოს ცენტრალური აღმასრულებელი კომიტეტი და სა-
ქართველოს სსრ სახალხო კომისართა საბჭო ადგენენ:

1. სარეწაო კოოპერაციის დებულების მე-9 მუხლს დაემატოს მე-2 შენი-
შვნა შემდეგი შინაარსისა:

„შენიშვნა 2. სარეწაო-საკრედიტო კოოპერატიული ორგანიზაცია
სასამართლო ბაჟისა და სხვა სასამართლო გამოსაღების და ზარჯისა, აგ-
რეთვე ადგილობრივ გადასახად გამოსაღების გადახდის სფეროში ეთანაბ-
რება სახელმწიფო ბიუჯეტზე მყოფ სახელმწიფო დაწესებულებას“.

სრულიად საქართველოს ცენტრალური აღმას-
რულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს
თავმჯდომარის მოადგილე გ. მგალობლიშვილი

სრულიად საქართველოს ცენტრალური აღმას-
რულებელი კომიტეტის მდივანი ხ. თოდრაია.

1929 წ. ივლისის 11.
ტფილისი—სასახლე.

175. დ ა დ გ ე ნ ი ლ ე ბ ა ც.ა.ა. და ს.ა.ს.

ადგილობრივ ბიუჯეტებზე შემოსავალ-გასავლის განაწილებისა და 1929-30 წლის ადგილობრივი ბიუჯეტის შედგენისა და დამტკიცების წესის შესახებ.

საქართველოს სსრ ახალ ადმინისტრაციულ-ტერიტორიალურ დაყოფასთან დაკავშირებით, რაც განხორციელებულ უნდა იქნეს 1929 წ. ოქტომბრის 1-დან, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I.

დამყარებულ იქნეს 1929-30 წლის ადგილობრივი ბიუჯეტების შედგენისა და დამტკიცების შემდეგი წესი და ოლქებისა (მაზრებისა), რაიონებისა, სოფლის ადმინისტრაციულ-ტერიტორიალური ერთეულებისა და ქალაქების ბიუჯეტებს შორის ხარჯები და საშემოსავლო წყაროები განაწილებულ იქნეს ქვემოაღნიშნულ საფუძვლებზე:

1. 1929-30 წელს შედგენილ უნდა იქნეს ოლქებისა (ხოლო სადაც ოლქი არ მოეწყობა — მაზრისა), რაიონებისა (აფხაზეთის სსრ-ში, აჭარისტანის ავტ. სსრ ში და სამხრეთ-ოსეთის ავტონომიურ ოლქში — რაიონების შესაფერი ერთეულებისა), სოფლებისა და ქალაქების დამოუკიდებელი ადგილობრივი ბიუჯეტები.

შენიშვნა. უკეთუ სასოფლო საბჭოს მიერ გაერთიანებულ ადმინისტრაციულ-ტერიტორიალურ ერთეულს არ ექნება საკმარისი ეკონომიური ბაზა დამოუკიდებელი სასოფლო ბიუჯეტის უდფიციროდ ან ამასთან დაახლოებით შესადგენად, — იგი შეადგენს შემოსავალ-გასავლის ხარჯთაღრიცხვას, რაც ნაწილი იქნება სარაიონო ბიუჯეტისა და რაც შესრულებულ უნდა იქნეს სათანადო სარაიონო აღმასრულებელი კომიტეტის მეშვეობით.

2. 1-ლ მუხლში აღნიშნული ადგილობრივი ბიუჯეტები აგებულ უნდა იქნეს შემდეგ საფუძველზე:

ა) ოლქის (ხოლო სადაც ოლქი არ მოეწყობა — მაზრის) ბიუჯეტის დანიშნულებაა იმ დაწესებულებათა და ღონისძიებათა ხარჯების დაფარვა, რომელნიც მომსახურებას უწევენ რამდენსამე რაიონს ან რომელთაც აქვთ საოლქო (სამაზრო) მნიშვნელობა: ამასთანავე, საოლქო ბიუჯეტი უნდა აწესრიგებდეს უპირატესად ქვემდგომი ადმინისტრაციულ-ტერიტორიალური ერთეულების ბიუჯეტებს;

ბ) რაიონის ბიუჯეტის დანიშნულებაა სარაიონო და სასოფელთაშორისო მნიშვნელობის მქონე დაწესებულებათა შენახვა და ღონისძიებათა განხორციელება; განსაკუთრებულ შემთხვევაში სარაიონო ბიუჯეტი შეიძლება დაეკისროს აგრეთვე სარაიონთაშორისო მნიშვნელობის ღონისძიებათა განხორციელებისათვის საჭირო ხარჯები, უკეთუ ეს გამართლებულ იქნება უკეთესი ადმინისტრირებითა ან მეურნეობრივი სარგებლიანობით;

ბ) საოლქო და შტატგარეშე ქალაქის ბიუჯეტები და სოფლის ბიუჯეტი ძირითადი ადგილობრივი ბიუჯეტებია და მათი დანიშნულებაა იმ დაწესებულებათა და ღონისძიებათა ხარჯების დაფარვა, რომელნიც მომსახურებას უწევენ სათანადო ქალაქისა და სოფლის ან სოფლის საბჭოს მიერ გაერთიანებული რამდენიმე დასახლებული ადგილის ტერიტორიას.

შენიშვნა. იმ სოფელ ადგილას, სადაც, ამა დადგენილების 1-ლი მუხლის შენიშვნის თანახმად, სოფლის საბჭოს დამოუკიდებელი ბიუჯეტი არა აქვს, ძირითად ბიუჯეტად ითვლება სარაიონო ბიუჯეტი.

3. ადგილობრივი სახსარისათვის დაკისრებული ხარჯების დასაფარავად ადგილობრივ ორგანოებს მიეკუთვნება ოლქის ფარგლებში კანონით გათვალისწინებული ყველა ადგილობრივი მნიშვნელობის საშემოსავლო წყარო, რაც განაწილებულ უნდა იქნეს ცალკეულ დამოუკიდებელ ადგილობრივ ბიუჯეტებს შორის შემდგენიარად:

ა) **არასაგადასახადო ადგილობრივი შემოსავლის სფეროში:** ადგილობრივი მნიშვნელობის საწარმოთა, მუნიციპალიტეტულ შენობათა, საადგილმამულო და სხვა ქონებათა შემოსავალი დანაწილება საოლქო (სამაზრო), სარაიონო (აფხაზეთის სსრ-ში, აჭარის ტანის ავტ. სსრ-ში და სამხრეთ ოსეთის ავტონომიურ ოლქში—რაიონების შესაფერი ერთეულებისა) სასოფლო და საქალაქო ბიუჯეტებს შორის ტერიტორიალური დანიშნულების მიხედვით; სასოფლო ბიუჯეტს მიეკუთვნება სასოფლო საბჭოს მიერ გაერთიანებულ ტერიტორიაზე არსებული ყველა ობიექტის (სოფლის წისკვილი, სასაკლაო, ბორანი, საადგილმამულო ქონება, საბაზრო ადგილი და სხვ.) საშემოსავლო წყარო; რაიონის ფარგლებში შტატგარეშე ქალაქსა და რაიონს შორის არასაგადასახადო საშემოსავლო წყაროების დანაწილება მოხდება ამ დადგენილებაში აღნიშნულ საფუძვლებზე;

ბ) **სახელმწიფო არასაგადასახადო შემოსავლის ანარიცხების სფეროში:** სახელმწიფო არასაგადასახადო შემოსავლის (საძოვრებისა, ტყეებისა და სხვ. შემოსავალი) ყველა ანარიცხი შევა მთლად საოლქო ბიუჯეტში საოლქო და სარაიონთაშორისო მნიშვნელობის დაწესებულებათა და საწარმოთა ხარჯების დასაფარავად; ხოლო, უკეთეს საკიროება იქნება (როდესაც გასაუქმებელი მაზრის ბიუჯეტით გათვალისწინებული ხარჯები არ შეიძლება დაეკისროს დეფიციტიან სარაიონო ბიუჯეტს) აღნიშნული ანარიცხები გამოიყენება აგრეთვე საოლქო მოწესრიგების ფონდის შესაქმნელად;

გ) **ადგილობრივი საგადასახადო შემოსავლის სფეროში:** რკინის გზებით და წყალსავალი გზებით შემოზიდული და გაზიდული ტვირთის ადგილობრივი სატონნო გადასახადის მთელი შემოსავალი, გარდა იმ სატონნო გადასახადისა, რაც საზღვარგარეშე გასატან შავკვანზე და საესპორტო ნავთის პროდუქტებზე შემოვა, — შედის მთლად, კანონით დაწესებული 75 %-ის რაოდენობით, საოლქო ბიუჯეტში და დიხარჯება მარტოოდენ სავზაო მშენებლობაზე, ხოლო დანარჩენი 25 % მიიქცევა რესპუბლიკანურ სავზაო ფონდში; მერქანის ადგილობრივი გადასახადი შედის მთლად საოლქო ბიუჯეტში; დანარჩენი ადგილობრივი გადასახადი და გამოსადები შედის მთლად იმ ადმინისტრაციულ-ტერიტორიალური ერთეულის ბიუჯეტში, რომლის ტერიტორიაზედაც დასაბეგრი ობიექტია;

დ) სახელმწიფო გადასახადებისა და მათი ზედნართების ანარიცხების სფეროში: ერთიანი სასოფლო-სამეურნეო გადასახადის ანარიცხი არანაკლებ, ვიდრე კანონით დაწესებული რაოდენობით (40%) შედის ძირითად (სოფლის) ბიუჯეტში; ამასთანავე, უკეთეს ვს ბიუჯეტი დეფიციტისა და თანაც სათანადო ტერიტორიაზე შემოსასვლელად ნავარაუდები ერთიანი სასოფლო-სამეურნეო გადასახადის თანხა უმნიშვნელოა, სოფლის ბიუჯეტს შეიძლება მიეკუთვნოს მთლად ამ გადასახადის შემოსავლის 62%, რაც კანონით გათვალისწინებულია ადგილობრივ სახსარში გადასარიცხად; სარაიონო ბიუჯეტში, ზემოაღნიშნული შემთხვევის გამოკლებით, შედის სათანადო რაიონის ტერიტორიაზე შეკრეფილი ერთიანი სასოფლო-სამეურნეო გადასახადის ანარიცხის მთელი დანარჩენი თანხა (22% მდე); ხოლო იმ რაიონში, სადაც სასოფლო საბჭოს არა აქვს უფლება დამოუკიდებელი ბიუჯეტი იქონიოს კანონით გათვალისწინებული ანარიცხები აღნიშნული გადასახადისა შედის სარაიონო ბიუჯეტში-სრულად (62%); ერთიანი სასოფლო-სამეურნეო გადასახადის ანარიცხის საოლქო ბიუჯეტში გადადება შეიძლება დადგენილ იქნეს იმ შემთხვევაში, როდესაც დაბალანსებულია ქვემოთაღნიშნულ ადმინისტრაციულ ტერიტორიალური ერთეულების ბიუჯეტები ისეთი თანხებით, რაც უზრუნველყოფს ამ ბიუჯეტების ნორმალურ ზრდას მთლიანად, როდესაც საოლქო ბიუჯეტი ფუნქციონალურია (დატვირთულობა კულტურულ და სამეურნეო დაწესებულებათა ოპერატიული ხაზებით; რისგანაც საოლქო ბიუჯეტი, ადგილობრივი პირობების გამო, არ შეიძლება განთავისუფლებულ იქნეს) და როდესაც ყოვლად შეუძლებელია საოლქო ბიუჯეტის უდფიციტოდ დაბალანსება; ოლქის ტერიტორიაზე შემოსული სარეწაო გადასახადის ანარიცხები და შემოსავლის გადასახადის ზედნართები განაწილება ცალკეულ ადმინისტრაციულ-ტერიტორიალურ ერთეულებს შორის მათი ეკონომიური ძალოვნების ნიშნების მიხედვით, ხოლო იმ პირობით, რომ თვითეულ დამოუკიდებელ ადგილობრივ ბიუჯეტს მიეცეს არანაკლებ სათანადო ადმინისტრაციულ-ტერიტორიალური ერთეულის ტერიტორიაზე შეკრეფილი გადასახადის ანარიცხების და ზედნართების საერთო თანხის 25%-სა; სახელმწიფო სამონადირეო გამოსაღების ანარიცხები მთლად საოლქო ბიუჯეტში შედის;

ე) ადგილობრივი დაწესებულებების მიერ გადახდევინებული შემოსავალი და გამოსაღები შედის იმ ადგილობრივი ბიუჯეტის საშემოსავლო ნაწილში, რომელშიაც გატარებულია ამ გამოსაღებისა და შემოსავლის გადახდევინებელი დაწესებულებების შესანახი ხარჯები.

შენიშვნა. სახელმწიფო გადასახადთა და გამოსაღებთა ის პროცენტული ანარიცხები და ზედნართები, რაც დაწესებულია თვითეული ადმინისტრაციულ-ტერიტორიალური ერთეულისათვის მისი ბიუჯეტით, არ შეიძლება შეიცვალოს ბიუჯეტის აღსრულების წესით.

4. საოლქო ბიუჯეტში შეიძლება, შეიქმნას, ადგილობრივი ფინანსების დებულებით გათვალისწინებული საუფქვლებისა და წესისამებრ და აგრეთვე განსაკუთრებული საკანონმდებლო აქტების თანახმად, საოლქო მოწესრიგების ფონდი და სპეციალური დანიშნულების ფონდები.

5. საქალაქო და სასოფლო ბიუჯეტებს, — რომლებიც დაბალანსებულ იქნება მათთვის მიკუთვნებული საშემოსავლო წყაროების საფუძველზე და რომლებითაც დაიფარება საქალაქო და სასოფლო საბჭოებისათვის დაკისრებული ყველა სავალდებულო ხარჯი, — განიხილავენ და დაადასტურებენ სათანადო საქალაქო და სასოფლო საბჭოები.

სარაიონო ბიუჯეტს, რომელიც შეიცავს რაიონში შემავალი სასოფლო საბჭოებისა და შტატგარეშე ქალაქების საბჭოების ჯუმლობითი ბიუჯეტს და რომელიც დაბალანსებულ იქნება იმავე წესით, განიხილავს და დაადასტურებს საბჭოთა სარაიონო ყრილობა ან სარაიონო აღმასრულებელი კომიტეტის პლენუმი.

დაბალანსებულ საოლქო ბიუჯეტს (ხოლო სადაც ოლქი არ მოეწყობა — სამაზრო ბიუჯეტს), — რომელიც შეიცავს სარაიონი ჯუმლობითი ბიუჯეტებსა და საოლქო (სამაზრო) ქალაქის ბიუჯეტს, განიხილავს და დაამტკიცებს საბჭოთა საოლქო (სამაზრო) ყრილობა ან საოლქო (სამაზრო) აღმასრულებელი კომიტეტის პლენუმი.

აფხაზეთის სსრ-ისა, აჭარისტანის ავტ. სსრ-ისა და სამხრეთ-ოსეთის ავტონომიური ოლქის ადგილობრივ ჯუმლობითი ბიუჯეტებს დაამტკიცებენ აღნიშნული რესპუბლიკებისა და ოლქის ცენტრალური აღმასრულებელი კომიტეტები — კუთვნილებისამებრ.

საქართველოს სსრ საერთო ადგილობრივ ჯუმლობითი ბიუჯეტს საბოლოოდ დაამტკიცებს სრულიად საქართველოს ცენტრალური აღმასრულებელი კომიტეტი.

5. ყველა ზემოაღნიშნული ორგანო ქვემდგომი ადმინისტრატიულ-ტერიტორიული ერთეულის ჯუმლობითი ბიუჯეტის დადასტურებისა თუ დამტკიცების დროს განიხილავს ამ ბიუჯეტს როგორც იმ თვალსაზრისით, თუ რამდენად შეესაბამება იგი მოქმედ კანონდებულებებსა და ხელისუფლების ზემდგომ ორგანოთა დადგენილებებსა, დირექტივებსა და საკონტროლო ციფრებს, ისე არსებითად; თანაც შეიტანს ბიუჯეტში, თუ საჭირო იქნება, სათანადო დამატებასა და ცვლილებას მიხანშეწონილობის მიხედვით ან ბიუჯეტის საშემოსავლო და სავსავლო ნაწილების სრული დაბალანსებისათვის.

7. ვიდრე განხორციელდებოდეს სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1929 წ. ივლისის 11-ს დადგენილებით გათვალისწინებული საქართველოს სსრ ახალი ადმინისტრატიულ-ტერიტორიალური დაყოფა, ადგილობრივ ბიუჯეტების შედგენა დაეკისრება: საოლქო ბიუჯეტებისა — ახალი ადმინისტრატიულ-ტერიტორიალური დაყოფის განმახორციელებელ საოლქო კომისიებს, ხოლო სარაიონო და სასოფლო ბიუჯეტებისა — იმ სამაზრო აღმასრულებელ კომიტეტებსა და სათემო საბჭოებს, რომელნიც მოქმედობენ მოსაწყობი რაიონებისა და სასოფლო საბჭოს მიერ გაერთიანებული ადმინისტრატიულ-ტერიტორიალური ერთეულების ტერიტორიაზე — კუთვნილებისამებრ.

ახლად მოსაწყობი სასოფლო საბჭოებისათვის ამა დადგენილების 1-ლი მუხლის შენიშვნაში აღნიშნული წესის შეფარდების საკითხს გადასწყვეტს ახალი ადმინისტრატიულ-ტერიტორიალური — დაყოფის განმახორციელებელი სათანადო

საოლქო კომისია ან სამაზრო აღმასრულებელი კომიტეტი და დაამტკიცებს სრულად საქართველოს ცენტრალური აღმასრულებელი კომიტეტი.

ვიდრე ახალი დარაიონება განხორციელდებოდეს საკითხს აღმინისტრაციულ-ტერიტორიალურ ერთეულებს შორის ხარჯებისა და შემოსავლის განაწილებისას ოლქისა (მაზრისა) და რაიონის ფარგლებში გადასწყვეტენ ზემოაღნიშნული ორგანოები—კუთვნილებისამებრ.

იმ საწარმოთა, შენობათა, საადგილმამულო და სხვა ქონებათა სიებს რაც, ტერიტორიალური მნიშვნელობის მიხედვით, მიკუთვნიებულ უნდა იქნეს თვითეული აღმინისტრაციულ-ტერიტორიალური ერთეულისათვის ოლქისა თუ მაზრის ფარგლებში,—დაადგენს საბიუჯეტო წლის დასაწყისში საოლქო კომისია ან სამაზრო აღმასრულებელი კომიტეტი—კუთვნილებისამებრ.

ერთიანი სასოფლო-საეკონომიკო გადასახადიდან და სახელმწიფო საშემოსავლო და სარეწაო გადასახადებიდან ადგილობრივ ძირითად ბიუჯეტებში გადასარიცხი პროცენტების საკითხს, ვიდრე ხელისუფლების სარაიონო ორგანოები მოეწყობოდეს, გადასწყვეტს, ამა დადგენილების მე-3 მუხლის „დ“ პუნქტით გათვალისწინებულ ფარგლებში, ის სამაზრო აღმასრულებელი კომიტეტი, რომელიც მოქმედობს მოსაწყობი რაიონის ტერიტორიაზე.

შენიშვნა. უკეთუ ამა დადგენილების მე-3 მუხლის „დ“ პუნქტში გათვალისწინებული განსაკუთრებული წესისამებრ განსაზღვრულია ერთიანი სასოფლო-სამეურნეო გადასახადიდან საოლქო ბიუჯეტში ანარიცხის პროცენტის გადადება, საკითხი სასოფლო ბიუჯეტში ამ გადასახადის ანარიცხის პროცენტის გადადებისა კანონით გათვალისწინებულზე (40%) მეტი რაოდენობით შეიძლება გადასწყვიტოს მხოლოდ საოლქო კომისიამ.

II.

მიენდოს ფინანსთა სახალხო კომისარიატს:

ა) გამოსცეს ორი კვირის ვადაზე სათანადო ორგანოების საელმძღვანელოდ ინსტრუქცია ამა დადგენილების შესაფარდებლად; ინსტრუქციით გათვალისწინებულ უნდა იქნეს 1929-30 წ. ადგილობრივი ბიუჯეტების შედგენისა და განხილვის ვადები და წესი;

ბ) შეიმუშაოს და წარადგინოს, არა უგვიანეს 1929 წ. ნოემბრის 1-სა, საქართველოს სსრ საკანონმდებლო ორგანოებში საქართველოს სსრ ადგილობრივი ფინანსების დებულების პროექტი.

სრულიად საქართველოს ცენტრალური აღმასრულებელი კომიტეტის თავმჯდომარე **მ. ცხაკაია.**

საქართველო სსრ სახალხო კომისართა საბჭოს თავმჯდომარე **ფ. მაზარაძე.**

სრულიად საქართველოს ცენტრალური აღმასრულებელი კომიტეტის მდივანი **ხ. თოდრია.**

1929 წ. ივლისის 11.
ტფილისი—სახალხო.

გამოქვეყნებულია გაზ. „კომუნისტი“-ს 164 №-ში 1929 წ. ივლისის 20-ს.



176. დადგენილება ც.ა.კ. და ს.კ.ს.

საბინაო მეურნეობისათვის საჭირო ღონისძიებათა შესახებ.

„საბინაო პოლიტიკის თაობაზე“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1928 წ. იანვრის 4-ს დადგენილებისა (სსრკ კან. კრ. 1928 წ. მე 6 №-რი, მუხ. 49) და ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1928 წ. ნოემბრის 19-ს დადგენილების თანახმად (ა/კსფსრ კან. კრებ. 1928 წ. 21 №-რი, მუხ. 252) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. წინადადება მიეცეს ადგილობრივ საბჭოებს, 1929-30 საბიუჯეტო წლიდან დაწყებული, გაითვალისწინონ ხოლმე იმ ქალაქებისა და ქალაქის ტიპის დასახლებული ადგილების ადგილობრივ ბიუჯეტებში, რომელნიც მწვავე საბინაო კრიზისის განიცდიან, მაქსიმალური და წლიდან-წლამდე გასაზრდებელი ასიგნებები მუშათა საბინაო მშენებლობისათვის.

2. დაევალოს ადგილობრივ საბჭოებს მოაწესრიგონ:

ა) ქალაქებისა და ქალაქის ტიპის დასახლებული ადგილების დაგიგმვის საქმე, რომელიც დაკავშირებული უნდა იქნეს მშენებლობის საჭიროებასთან და იმ სტრუქტურ საბინაო მშენებლობის მოწესრიგების აუცილებლობასთან, რაც აძნელებს ქალაქებისა და ქალაქის ტიპის დასახლებული ადგილების გეგმაშეწონილ ზრდას და იწვევებს უნაყოფო ხარჯებს მათი კეთილმოწყობისათვის;

ბ) იმ კაპიტალების შექმნის საქმე, რაც დანიშნულია კომუნალური კეთილმოწყობის დაფინანსებისათვის მუშებით დასახლებულ ახლად მოწყობილ ადგილებში;

გ) საცხოვრებელი ფონდის გაფართოების საქმე ზემოსართლების დადგმითა და ვარეთუნების დასახლებული ადგილების უფრო მეტად გამოყენებით საგარეთუნო მიმოსვლის გაუმჯობესების საფუძველზე;

დ) კომუნალური კეთილმოწყობის ღონისძიებათა საბინაო მშენებლობასთან შეთანხმების საქმე;

ე) საერთო-საცხოვრებელი სახლების აგების საქმე როგორც იმ მუშებისათვის, რომელნიც ერთ ადგილს მუდმივ არა მკვიდრობენ (მშენებელნი, დამტვირთველნი და სხვ.), ისე ხელმართო მუშებისათვის.

3. წინადადება მიეცეს საქართველოს სსრ ეკონომიურ საბჭოსთან არსებულ სამშენებლო-სატექნიკო კომიტეტს მოაწესრიგოს მეაღნაგეთა ყველა კატეგორიისათვის საბინაო მშენებლობის ერთეულების გადიდებისა და კონცენტრაციის საკითხები.

4. აღიარებულ იქნეს საჭიროდ მუშათა ინდივიდუალური საბინაო მშენებლობის საკითხების მოწესრიგება, რისთვისაც წინადადება მიეცეს საქართველოს სსრ კომუნალურ ბანკს გაითვალისწინოს ყოველწლივ ამ მშენებლობის დაკრედიტება თავისი საკუთარი სახსარიდან.

5. დაევალოს ადგილობრივ საბჭოებს მათ უშუალო ექსპლოატაციაში ქონებული ბინები და ოთახები გააქირაონ ხოლმე კერძო დამკრავებლებთან ხელშეკრულების დადების საფუძველზე; ამ ხელშეკრულებით ზედმიწევნით გათვალისწინებულ უნდა იქნეს მდგმურების მოვალეობა ბინების წესიერად მოვლა-შენახვისა, ხოლო სამანევრო ფონდის სახლების ბინებისა და ოთახების მიმართ, აგრეთვე განსახლებული ვადა ქირაენობისა.

6. წინადადება მიეცეს ადგილობრივ საბჭოებსა და საბინაო კოოპერაციის კავშირს მოახდინონ სახლების ხარჯების ბიუჯეტის მტკიცე დანორმვა ბინების ექსპლოატაციისა და ამორტუზაციის ხარჯების რაოდენობის ზედმიწევნობამდე გამოკრევისა და უნაყოფო ხარჯების ლიკვიდაციის საფუძველზე.

7. წინადადება მიეცეს საბინაო კოოპერაციის კავშირს მოახდინოს სუსტ-ძალოვან საიჯარო-საბინაო ამხანაგობათა გადიდება სახლების საექსპლოატაციო-ხარჯების შემკირების მიზნით.

8. უფლება მიეცეს საქალაქო საბჭოებს ვალდებულყონ საიჯარო-საბინაო კოოპერატიული ამხანაგობანი, უკეთუ მათ მიერ იჯარით აღებულ სახლებში მათი წევრები საცხოვრებელი სიერკით დაქმავილებულ არიან არა ნაკლებ უწყებული ქალაქისათვის დაწესებული საშუალო ფაქტიური ნორმისა, განთავისუფლებული ბინები და ოთახები მიაქირაონ მრეწველობისა და ტრანსპორტის იმ მუშებს, რომელთაც ბინა ესაქიროებათ და რომელნიც ამა თუ იმ ამხანაგობის წევრებად არ ირიცხებიან; ამასთანავე, საქალაქო საბჭოებს, საბინაო-კოოპერატიულ კავშირთან ერთად, უფლება აქვთ განსახლებონ იმ პირთა კატეგორია, რომელნიც ჩასახლებულ უნდა იქნენ, და აგრეთვე წესი და რიგობა ჩასახლებისა.

შენიშვნა. საბეცნიერო დარგში მომუშავეთ შეენარჩუნებათ თვით-შემკიდროების უფლება და სხვა უფლება საცხ აგრებელ სიერცეზე, რაც მათ მინიჭებული აქვთ მომკმედი კანონმდებლობით.

9. ბინების გაცვლა-გამოცვლის გასაადვილებლად იმ შემთხვევაში, როდესაც ეს კანონით შეიძლება, და საცხოვრებელი სადგომების მოსაძებნად დაევალოს ადგილობრივ საბჭოებს მოაწყონ ქალაქებში საშუამავლო საბინაო ბიუროები.

10. აღიარებულ იქნეს, რომ საქიროა დაკრედიტების გეგმებში, დაწყებული 1929-30 წლიდან, გადიდდეს საბინაო კოოპერაციის ხედირითი წონა მშენებლობაში და მისი წილი ბინების ასაშენებლად გადადებულ სახელმწიფო კრედიტებში, თვით კოოპერაციის საპიო სახსარის ზრდასთან შეფარდებით; აგრეთვე დაევალოს საქართველოს სსრ კომუნალურ ბანკს, საკრედიტო გეგმის შედგენის დროს, მხედველობაში მიიღოს, რომ საქიროა გადიდებულ იქნეს საქართველოს საბინაო კოოპერაციის კავშირის მიზნობრივი დაკრედიტება დადგენილი ლიმიტების ფარგლებში—თავის პერიფერიებისათვის საშენი მასალის მიწოდების განსავითარებლად.

11. წინადადება მიეცეს შრომის სხალხო კომისარიატსა და ადგილობრივ აღმასრულებელ კომიტეტებს—სახ უგადობრივ სამუშაოთა კრედიტების გამოყენების დროს ნაწილი ამ კრედიტებისა მოახმარონ მიწის ნაკვეთების დაგეგმვას და კეთილმოწყობისა და ახალი საბინაო მშენებლობის მომზადებისათვის საქირო სხვა სამუშაოებს.

12. წინადადება მიეცეს ფინანსთა და შრომის სახალხო კომისარიატებსა და სახალხო მეურნეობის უმაღლეს საბჭოს თვალყური ადევნონ, კუთვნილებისამებრ, ამა დადგენილების სათანადო მუხლებში ჩამოთვლილ ღონისძიებათა განხორციელებას.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისარია საბჭოს თავმჯდომარის მოადგილე გ. მაგლობლიშვილი.

სრულიად საქართველოს ცენტრალური აღმასრულებელი კომიტეტის მდივანი ს. თოდრაია.

1929 წ. ივლისის 11.

ტფილისი — სასახლე.

გამოქვეყნებულია გაზ. „კომუნისტი“-ს 192 №-ში 1929 წ. აგვისტოს 22.

177. დ ა დ გ ე ნ ი ლ ე ბ ა ც.ა.კ. და ს.კ.ს.

სისხლის სამართლის კოდექსის მე-15 მუხ. რედაქციის შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის მიერ 1924 წლის მარტის 10 თარიღით და 77 №-ით გამოცემული დადგენილების მე-2 მუხ. წესისამებრ (კან. კრ. 1924 წ. № 1, მუხ. 7), სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისარია საბჭო ადგენენ:

1. სისხლის სამართლის კოდექსის მე-15 მუხ. შეიცვალოს შემდეგნაირად: „მუხ. 15. სისხლის სამართლის წესით დევნა არ შეიძლება:

ა) უკეთუ იმ დანაშაულის ჩადენიდან, რისთვისაც სასამართლოს შეუძლიან გადასწყვიტოს თავისუფლების აღკვეთა ხუთ წელზე მეტი ხნით, განვლო ათმა წელმა;

ბ) უკეთუ იმ დანაშაულის ჩადენიდან, რისთვისაც სასამართლოს შეუძლიან გადასწყვიტოს თავისუფლების აღკვეთა ერთ წელზე მეტი ხნით, ხოლო არა უმეტეს ხუთი წლისა, განვლო ხუთმა წელმა;

გ) უკეთუ იმ დანაშაულის ჩადენიდან, რისთვისაც სასამართლოს შეუძლიან გადასწყვიტოს თავისუფლების აღკვეთა ერთ წლამდე ან კანონში გათვალისწინებული თავისუფლების აღკვეთაზე უფრო მსუბუქი სოციალური დაცვის ღონისძიება, გარდა იმ დანაშაულისა, რაც ჩამოთვლილია ამა მუხლის „დ“ პუნქტში, განვლო სამმა წელმა;

დ) სისხლის სამართლის კოდექსის 91, 155 მუხ., 156 მუხ. 1 ნაწ., 158 მუხ. 1 ნაწ., 174, 175 და 176 მუხლებით გათვალისწინებული დანაშაულისათვის, უკეთუ დანაშაულის ჩადენიდან განვლო ერთმა წელმა.

ხანდაზმულობა შეფარდებულ უნდა იქნეს, უკეთეს სათანადო ვადის განმავლობაში ჩადენილი დანაშაულის შესახებ არაერთგვაროვანი საქმე არ წარმოებულა. ხანდაზმულობის დენა შეეწყობა, უკეთეს დაწესებულება ხანდაზმულობის სათანადო ვადის განმავლობაში ჩადენს სხვა იმგვარსავე ან იმაზე არა ნაკლებ მძიმე დანაშაულს, ანდა დაემალება გამოძიებასა და სამართალს. ხანდაზმულობის დენა ასეთ შემთხვევაში დაიწყება მეორე დანაშაულის ჩადენის დღიდან ან შეჩერებული საქმის განახლების დღიდან.

გამამტყუნებელი განაჩენი სისრულეში სულაც არ მოიყვანება, უკეთეს იგი აღსრულებულ არ იქნა ათი წლის განმავლობაში მისი გამოტანის დღიდან“.

2. სისხლის სამართლის კოდექსის მე-15 მუხ. 1, 2 და 3 შენიშვნები ძალაში დარჩეს.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივანი ს. თოდრაია.

1929 წ. ივლისის 11.
 ტფილისი—სასახლე.

178. დადგენილება ც.ბ.კ. და ს.ბ.ს.

სისხლის სამართლის კოდექსის 79 და 101 მუხლების შეცვლისა, ამა კოდექსისათვის 58^{17b} , 103^1 , 103^2 და 103^3 მუხლების დამატებისა და ამავე კოდექსიდან 201 მუხლის ამოშლის შესახებ.

სრულიად საქართველოს საბჭოთა მეორე მოწვევის ცენტრალური აღმასრულებელი კომიტეტის მე 2 სესიის 1924 წ. მარტის 10-ის თარიღისა და 77 №-ის დადგენილების (კან. კრ. 1924 წ. 1 №-რი, მუხ. 7) მე-2 მუხლის წესისამებრ და სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ „სატრანსპორტო დანაშაულობასთან ბრძოლის გაძლიერებისათვის საჭირო ღონისძიებათა შესახებ“ 1929 წლის მარტის 13-ის თარიღით გამოცემული დადგენილების (სსრკ კან. კრ. 1929 წ. № 21, მუხ. 182) საფუძველზე—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I.

საქართველოს სსრ სისხლის სამართლის კოდექსის 79 და 101 მუხ. შეიცვალოს და მიღებულ იქნეს შემდეგი რედაქციით:

„მთხ. 79. გაუფრთხილებლობით დაზიანება მთავრობის ან საერთო სარგებლობის ელექტროსადენისა, უკეთუ ამ დაზიანებას შეეძლო შეეწყვიტა ან შეეჩერებინა მისი მოქმედება, გამოიწვევს

იძულებით მუშაობას სამ თვემდე ან ჯარიმას სამას მანეთამდე.

უკეთუ გაუფრთხილებლობით დაზიანებამ გამოიწვია შეჩერება ან შეწყვეტა ელექტროსადენის მოქმედებისა და უკეთუ ამასთანავე ეს დაზიანება შედეგი იყო გამაფრთხილებელი წესების შეგნებულად დარღვევისა—თავისუფლების აღკვეთას ერთ წლამდე“.

„მთხ. 101. ნავტურქლის კაპიტანის მიერ დახმარების აღმოუჩენლობა იმ პორტათვის, რომელნიც ილუპებიან ზღვაზე ან სხვა წყალსაველ გზაზე, უკეთუ ამ დახმარების აღმოჩენა შეიძლებოდა ისე, რომ ეს ნავტურქელი, ეკიპაჟი და მგზავრები სერიოზულ საფრთხეში არ ჩავარდნილიყვნენ—გამოიწვევს თავისუფლების აღკვეთას ერთ წლამდე.

ნავტურქლის კაპიტანის მიერ ღონისძიების მიუღებლობა მის ნავტურქელთან დაჯახებული ნავტურქლის გადასარჩენად, უკეთუ ამ დახმარების აღმოჩენა შეიძლებოდა ისე, რომ მისი ნავტურქელი, ეკიპაჟი და მგზავრები სერიოზულ საფრთხეში არ ჩავარდნილიყვნენ—თავისუფლების აღკვეთას ერთ წლამდე“.

II.

სისხლის სამართლის კოდექსს დაემატოს 58¹ა, 103¹ 103² და 103³ მუხლები შემდეგი შინაარსისა:

„მთხ. 58¹ა. მატარებლის ან ნავტურქლის დაღუპვის მიზნით დანგრევა ან დაზიანება რკინისგზის ან სხვა რამ გზისა, ამ გზების ნაგებობისა, გამაფრთხილებელი ნიშნებისა, მოძრავი შედგენილობისა და ნავტურქლისა, გამოიწვევს თავისუფლების აღკვეთას არა ნაკლებ სამი წლისა სასტიკი იზოლაციით, მთელი ქონებისა ან მისი ნიწილის კონფისკაციით, ხოლო განსაკუთრებით დამამძიმებელ გარემოებაში სოციალური დაცვის ღონისძიება აიწვეს თვით უმაღლეს ღონისძიებამდე. დახვერტამდე, ქონების კონფისკაციით“.

„მთხ 103¹. ხმელეთით, წყალსაველი გზით და საჰაერო გზით მიმოსვლის წესრიგისა და უშიშროების დაცვის წესების შეუსრულებლობა ან დარღვევა, უკეთუ იგი აღმინისტრაციული წესით არ იდევნება, გამოიწვევს იძულებით მუშაობას ერთ წლამდე ან ჯარიმას სამას მანეთამდე“.

„მთხ. 103². გზათა სახალხო კომისარიატისა და მისი ორგანოების მიერ მიმოსვლის წესრიგისა და უშიშროების დაცვისათვის, ტრანსპორტის ქონების დაცვისათვის, ტრანსპორტის უკანონოდ გამოყენების წინასწარ აცდენისა და აღკვეთისათვის და აგრეთვე სასანიტარო და ხანძრის საწინააღმდეგო ღონისძიებათა განხორციელებისათვის გამოცემულ სავალდებულო დადგენილებათა დარღვევა, უკეთუ ამას მძიმე შედეგი მოჰყვა, გამოიწვევს

თავისუფლების აღკვეთას სამ წლამდე ან ჯარიმას სამი ათას მანეთამდე“.

„მთხ. 103³. დარღვევა პორტის წესების გარეშე კანონით ან სათანადო ორგანოების განკარგულებით დადგენილი წესებისა ზღვაზე ნავტურქელთა დაჯახების აცდენისა და საზღვაო წყალქვეშა კაბელის დაცვის ღონისძიებათა შესახებ და სხვა წესებისა, რითაც მოწესრიგებულია საზღვაო ნაოსნობა, უკეთუ ეს დარ-

ლევია არ წარმოადგენს დამნაშავეის თანამდებობრივ (სამსახურებრივ) დანაშაულს, გამოიწვევს

ჯარიმას სამას მანეთამდე.

ხოლო, უკეთუ ამ დარღვევას მძიმე შედეგი მოჰყვა—

თავისუფლების აღკვეთას სამ წლამდე ან ჯარიმას სამი ათას მანეთამდე.

III.

სისხლის სამართლის კოდექსის 201 მუხლი ამოიშალოს.

სრულიად საქართველოს ცენტრალური აღმას-

რულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმას-

რულებელი კომიტეტის მდივანი ს. თოდრია.

1929 წ. ივლისის 11.

ტფილისი—სასახლე.

გამოქვეყნებულია გაზ. „კომუნისტი“-ს 192 №-ში 1929 წ. აგვისტოს 22.

179. დ ა დ გ ე ნ ი ლ ე ბ ა ც.ა.კ. დ ბ ს.კ.ს.

სსრკ-ის საბაჟო კოდექსის სამოქმედოდ შემოღების გამო საქართველოს სსრ სისხლის სამართლის კოდექსში სათანადო ცვლილების შეტანის შესახებ.

სრულიად საქართველოს მე-II მოწვევის ცენტრალური აღმასრულებელი კომიტეტის მე-2 სესიის 1924. წ. მარტის 10 თარიღისა და 77 ნომრის დადგენილების წესისამებრ (კან. კრ. 1924 წ. № 1. მუხ. 7) და სსრკ საბაჟო კოდექსის დამტკიცების შესახებ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1928 წ. დეკემბრის 19-ს დადგენილების (სსრკ კან. კრ. 1929 წ. 1-ლი №-რი, მუხ. 1-ლი) მე-7 მუხ. თანახმად სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღდგენენ.

1. საქართველოს სსრ სისხლის სამართლის კოდექსის (1928 წ. რედ.)

58^ა მუხლი მიღებულ იქნეს შემდეგი რედაქციით:

„მუხ. 58^ა. კვალიფიციური კონტრაბანდა (სსრ კავშირის საბაჟოს კოდექსის 166 მუხ სსრკ კან. კრ. 1929 წ. 1-ლი №-რი, მუხ. 2) საბაჟოს სამმართველოს მიერ საქონლის კონფისკაციისა და ჯარიმის დადების გარდა, გააოიწვევს

თავისუფლების აღკვეთას არა ნაკლებ ერთი წლისა, მთელი ქონების ან ქონების ნაწილის კონფისკაციით და სასტიკი იზოლიაციით, ხოლო განსაკუთრებით დამამძიმებელ გარემოებაში—სოციალური დაცვის ღონისძიება აიწვევს თვით უმაღლეს ღონისძიებამდეკ-დახვერტანდე, ქონების კონფისკაციით“.

2. საქართველოს სსრ სისხლის სამართლის კოდექსის 58²⁴ მუხ. დანართი „კვალიფიციური კონტრაბანდა“ და იმავე კოდექსის 83 მუხ. გაუქმებულ იქნეს.

სრულიად საქართველოს ცენტრალური აღმას-
სრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს
თავმჯდომარის მოადგ. გ. მგალობლიშვილი.

სრულიად საქართველოს ცენტრალური აღმას-
სრულებელი კომიტეტის მდივანი ს. თოდრია.

1929 წ. ივლისის 11.

ტფილისი—სასახლე.

სენატორული აღმასრულებელი კომიტეტის დადგენი- ლებანი.

180. დადგენილება ც. ა. კ.

მუსლიმანთა „მაჰერამი“ს თვის დღეებში რელიგიური ხასიათის მსვლელობისა, დემონსტრაციისა და სარწმუნოებრივი წესების საჯაროდ აღსრულების აკრძალვის შესახებ.

მუსლიმანთა „მაჰერამი“ს თვის დღეებში საზოგადოებრივი წესიერების დარღვევის თავიდან ასაცილებლად—სრულიად საქართველოს ცენტრალური აღმასრულებელი კომიტეტი ადგენს:

1. აკრძალულ იქნეს მუსლიმანთა „მაჰერამი“ს თვის პირველ დღეებში, რაც მიმდინარე 1929 წლ. ივნისის 8-18 მოდის, ყოველგვარი რელიგიური ხასიათის მსვლელობა, დემონსტრაცია და, საერთოდ, ამა თუ იმ წესის საჯარო აღსრულება (სარწმუნოებრივი ცერემონია, „შახსეი-ვახსეიპ“ და სხვ.) სამლოცველო სახლების (მეჩეთის) გარეშე.

2. აკრძალულ იქნეს ყველგან, სამლოცველო სახლების (მეჩეთის) ტერიტორიის გამოუწავლისად, ისეთი წესის შესრულება, რაც თვითწვალეობასა და გვემას იწვევს, როგორც არის: თავის დასერვა, ჯაკვით ცემა და სხვ.

3. აკრძალულ იქნეს კეჩო სახლებში „თეკიპე“სა და სხვა შეკრებულობის გამართვა.

4. ამა დადგენილების დარღვევისათვის დამნაშავე პასუხს აგებს ადმინისტრაციული წესით—მას გადასახდელად დაედება იძულებითი მუშაობა ვადით ერთ თვემდე ან ფულადი ჯარიმა 100 მანეთამდე; ამ გადასახდელს გადასწყვეტენ აღმასრულებელი კომიტეტების ადმინისტრაციული განყოფილებების უფროსნი ან მილიციის უფროსნი „სავალდებულო დადგენილებათა გამოცემისა და ამ დადგენილებათა დარღვევისათვის ადმინისტრაციული გადასახდელის დადების“ დე-



ბულები წესისამებრ, უკეთუ დამნაშავეს მიერ ჩადენილი ქმედობა არ იწვევს პასუხისმგებლობას სისხლის სამართლის წესით.

5. მეთვალყურეობა ამა დადგენილების განხორციელებისათვის დაეკისროს: ქალაქად და ქალაქის ტიპის დასახლებულ ადგილებში-მილიციის ორგანოებს. ხოლო სოფლად-სათემო აღმასრულებელ კომიტეტებს.

6. დადგენილება ესე სამოქმედ ად შემოღებულ იქნეს ტელეგრაფით.

სრულიად საქართველოს ცენტრალური აღმასრულებელი კომიტეტის თავმჯდომარის მაგიერ ვ. სტურუა.

სრულიად საქართველოს ცენტრალური აღმასრულებელი კომიტეტის მდივნის მაგიერ შ. მათიკაშვილი.

1929 წ. ივნისის 5.

ტფილისი—სასახლე.

სახალხო კომისართა საგვარსოვლო დადგენილება

181. დადგენილება ს. კ. ს.

სახელმწიფო პირდაპირი გადასახადების ნარჩენის სალიკვიდაციო კომისიების მოწყობის შესახებ.

რათა სახელმწიფო პირდაპირი გადასახადების შემოსულა და კერძო პირებზე და სახელმწიფო და კოოპერატიულ ორგანიზაციებზე დარჩენილი გადასახადების (ნარჩენის) ლიკვიდაცია წარმატებით სწარმოებდეს - საქართველოს სსრ სახალხო კომისართა საბჭო ადგენს:

1. მოეწყოს საქართველოს ყველა მაზრაში, ქალ. ტფილისის გამოკლებით, სახელმწიფო პირდაპირი გადასახადების ნარჩენის სალიკვიდაციო კომისია შემდეგი შედგენილობით: თავმჯდომარე-სამაზრო აღმასრულებელი კომიტეტის თავმჯდომარე, მისი მოადგილე - საფინანსო განყოფილების გამგე და წევრები: აღმასრულებელი კომიტეტის სადმინისტრაციო განყოფილებ-ს გამგე, ხოლო სადაც ეს განყოფილება არ არსებობს, მილიციის უფროსი, და პირდაპირ გადასახადთა ინსპექტორი.

2. დაეკისროს საფინანსო განყოფილების გამგეს წარუდგინოს ყოველკერი აღნიშნულ კომისიას ანგარიში გადასახადებისა და ნარჩენის გადახდევინების საქმის მდგომარეობის შესახებ.

3. დაევალოს კომისიას შეამოწმოს ხოლმე პერიოდულად როგორც გადასახადებისა და ნარჩენის აკრეფის საქმე, ისე საფინანსო განყოფილების მიერ გადასახადებისა და ნარჩენის მოხსნისა, ჩამოწერისა და ვადის განაწილების საქმე, რათა გამოოკეულ იქნეს, თუ რამდენად დროულად და წარმატებით სწარმოებს გადასახადებისა და ნარჩენის აკრეფა და რამდენად კანონიერად ანიჭებს საფინანსო განყოფილება შეღავათებს გადახდევლებს. შემოწმების შედეგებისადამიხედვით კომისია მოვალეა მიიღოს დამოუკიდებლად სასწრაფო და საქმისადამწყვეტი ღონისძიებანი, რაც გათვალისწინებულია სათანადო კანონდებულებებში. შენიშვნა. შეღავათების მინიჭების საკითხების გადაწყვეტაში კომისია მონაწილეობას არ იღებს.

4. წინადადება მიეცეს იუსტიციისა და შინაგან საქმეთა სახალხო კომისარიატებს ვალდებულებული ადგილობრივი სადმინისტრაციო და სასამართლო ორგანოები - ალმოუჩინონ საფინანსო განყოფილებებს ყოველგვარი დახმარება გადასახადებისა და ნარჩენის აკრეფის საქმეში და დაუყონებლივ მიიღონ ღონისძიებანი იმ პირთა წინააღმდეგ, ვინც გადასახადსა და ნარჩენს ბოროტის განზრახვით არ გადაიხდის, და პასუხისმგებაში მისცენ ისინი სისხლის სამართლის წესით.

5. კომისიების მოქმედების ვადა განისაზღვროს ა/წ. ოქტომბრის 1-დგ რა ხნის განმავლობაშიაც კომისიები მოვალენი არიან მიიღონ საქმის ვადამწუვეტი ღონისძიებანი სახელმწიფო პირდაპირი გადასახადების გადახდევინებისა და იმ ნარჩენის ლიკვიდაციისათვის, რაც ვადამხდელეზე ირიცხება.

6. დაევალოს კომისიებს ყოველთვიურად, არა უგვიანეს საანგარიშო თვის მომდევნო თვის 5 რიცხვისა, წარუდგინონ ფინანსთა სახალხო კომისარიატს ანგარიში თავიანთი მოქმედების შესახებ.

საქართველოს სსრ სახალხო კომისართა
საბჭოს თავმჯდომარის მოადგ. გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წლ. ივლისის 2.

ტფილისი—სახალგე.

გამოქვეყნებულია გაზ. „კომუნისტის“ 176-№-ში 1929 წ. აგვისტოს 3-ს.

182. დ ა დ გ ე ნ ი ლ ე ბ ა ს. ქ. ს.

1929 წელს პურეულის დამზადებისათვის რწმუნებულთა დანიშვნის შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ რესპუბლიკაში 1929 წელს პურეულის დამზადებისათვის მთავრ აბის რწმუნებულად დანიშნოს აშხ. გერმან ანდრიას ძე მგალობლიშვილი.

2. კახეთისა, ტფილისისა, გორისა, ახალციხისა და ახალქალაქის მაზრებში პურეულის დამზადებისათვის რწმუნებულებად დანიშნულ იქნენ სამაზრო აღმასრულებელი კომიტეტების თავმჯდომარენი.

3. წინადადება მიეცეს ზეოაღნიშნული მაზრების აღმასრულებელ კომიტეტებს დანიშნონ მაზრების შედგენილობაში შემავალ რაიონებსა და თემებში რწმუნებულები პურეულის დამზადებისათვის.

4. მიენდოს აკსუსრ ვაჭრობის სახალხო კომისარიატის რწმუნებულს, საქართველოს სსრ სახალხო კომისართა საბჭოსთან მყოფს, გამოსცეს, ერთი კვირის ვადაზე, ინსტრუქცია პურეულის დამზადებისათვის მაზრებში და ადგილებზე მომქმედ რწმუნებულთა მუშა აბის შესახებ.

საქართველოს სსრ სახ. კომისართა საბჭ. თავმჯდომარე ფ. მახარაძე.

საქართველოს სახ. კომისართა საბჭ. საქმეთა მმართველის
თანამდებობის დროებით აღმასრ. ბ. ფაღავა.

1928 წ. ივლისის 30.

ტფილისი—სახალგე.

გამოქვეყნებულია გაზ. „კომუნისტი“-ს 179 №-ში 1928 წ. აგვისტოს 7-ს.

შეხვედომის განცხადება

ქან. კრ. 1929 წ. № 14, გვ. 369, სტრ. 31

დაბეჭდილია:

„დ“ პუნქტი“

უნდა იყოს:

„მე 16 მუხ. „დ“ პუნქტით“

საქართველოს სახკომსაბჭოს საქმეთა მმართველობის სტამბა
მთავლიტი № 1219 დაიბეჭდა 1.250.